

1510




RB109,726



**Library  
of the  
University of Toronto**





Digitized by the Internet Archive  
in 2024 with funding from  
University of Toronto

<https://archive.org/details/dubitationesindi00brig>







DVBITATIONES  
IN DIALOGVM  
GALILÆI GALILÆI  
L Y N C E I

In Gymnasio Pisano Mathematici  
supraordinarij.

A V T O R E

CLAVDIO BERIGARDO

In eadem Academia Philosophiam  
profidente.

*Ubi notatur Simplicij vel prauaricatio, vel simplicitas,  
quod nullum efficax superesse Peripateticis argu-  
mentum ad terræ immobilitatem proban-  
dam tam facile concesserit.*

AD SERENISSIMVM  
FERDINANDVM II.  
MAGNVN HETRVRIÆ  
DVCEM.



F L O R E N T I Æ

---

Ex Typographia Petri Nesti Sub Signo Solis MDCXXXIII  
Superiorum Permissu. *tr.e*

X



DUBITATIONES  
IN DIALOGVM  
GALLI ET  
LYNCI

In Gymnasio Pisano Mathematici  
superordinarij.

A V T O R E

CLAUDIO BERIGARDO  
In eadem Academia Philosophiam  
proficiente.

Et notetur Simpliciter vel praenotatio, vel simpliciter.  
quod nullum officium, sedesse Propositionis arguit.  
verum ad totum innotatorem probat.  
dum tam facile concessit.

AD SERENISSIMVM  
FERDINANDVM II.  
MAGNVM HETRVRIC  
D A C E M.





S E R E N I S S I M O  
F E R D I N A N D O I I.  
M A G N O H E T R V R I Æ  
D V C I.



CYNICI hominis est ab omni humanitate imparati Principum uti nolle munificentia, & esse calculum, qui vario numerorum ordine collocatus varias obtineat dignitates, nec modò Cynici, sed ingrati omnino est eorum liberalitatem nulla obsequij significatione venerari. Mihi verò cui nunquā arrisit inhumanitas, & rigidior illa agendi consuetudo longè aliud animo sedet, præsertim ex quo me Serenissimæ Christinæ a Lotharingia ascitum ab epistolis Gallicis, Celsitudo tua Serenissima ne tot inter nationes quæ versatur in huius Gymnasij Pisani nobilissima Palestra vnus deesset Athleta Galliarum, ad profitemdam Philosophiam delegauit, atque ad huius beneficij cumulum Serenissimo Principi Matthiæ feliciter in Germaniam profecto fratrem in ministrorum numerum cooptauit. His non tam ornatus quam obrutus viderer beneficijs, si quemadmodum memoriam accepti muneris gratissimam in omnem aternitatem conseruari tanta liberalitas expostulat, ita ad referendā



gratiam tenuitatem meam astringeret. Verum  
ad promerita maximorum Principum grato  
animo veneranda sufficit Euandrum imitari,  
qui Herculem tuguriolo excepturus satis ha-  
buit loci angustias profiteri. Quare in humilis  
huius opusculi substructione, quam annuen-  
te Celsitudine tua Serenissima excitaui, dedi-  
que in nominis tui clientelam non Euandrum  
modò, sed & Architectum imitabor, qui cum  
opere satis magnifico extruere nequireret ædifi-  
cationem, statuit in ipsis foribus Herois si-  
mulacrum, quo detineret oculos, & ab ædibus  
despicientiam auerteret. Dabis igitur hanc ve-  
niam pro tua singulari in artes ingenuas propen-  
sione, ut hæc quantulacunque de terræ immo-  
bilitate disceptatio tuum ferat in fronte nomen  
tanquam obseruantie erga te mee autoramen-  
tum: Ita enim quidquid est in ea vetitatis, aut  
vitiij tua luce fiet conspectius, ut hoc humani-  
ter emendetur, illa studiosi lectoris amore, &  
beneuolentia foueatur. Et ne patronum Philoso-  
phiæ Pisanae morer teneamque diutius, Patris  
Æterni Sophiam enixè rogo atque obsecro, ut  
Principem sapientie, & veritatis amantissimum  
in longos annos felicem Hetruriæ, atque in-  
columem tueatur.

*Serenissime Celsitudinis tue Obsequentissimus Client.*

*Claudius Benigardus.*





# ACADEMICIS LYNCEIS

CLAVDIVS BERIGARDVS. S.



*Extra iampridem (Ornatissimi ac  
Excellentissimi Academici) ad-  
mirabili doctrinae coniuncta sin-  
gularis humanitas, cum me in sui  
primū admirationem, mox &  
amorem rapuerit, alios non ha-  
bui quorum eruditioni silentius  
committerem nonnullas dubita-  
tiones mihi obortas hoc quatruido,*

*quo auidissimè librum viri nostra ætate clarissimi Galilei  
peruolutavi, dum aliquid maioris animæ, eòq; dignius argu-  
mento mecum ipse commeditor. Eos verò Lynceos honoris  
causa hic appello qui doctrinam in hoc dialogo traditam profi-  
tentur, non autem ceteros, quos esse scio quamplurimos, qui  
ab eadem philosophia longè dissident. Quippe in animum in-*



omnino defecatis? Fuit etiam inter Stoicos, ut refert Seneca in fragmentis apud Lactantium, qui Solicertos populos ascribebat, in quem profecto torqueri poterat illud Diogenis in inuenem multa fidenter de caelo tanquam de villa sua referentem ποστῆρος πάρεσσι ἀποδοῦναι ἑσπέρην; Prudentius Orphei sectatores, licet dixerint singulas stellas esse mundos, & Metrodorus absurdum in magno agro unicam esse spicam, Cleanthes verò terram annua ac diurna conuersione circumuolui, quid tamen in quoque rei esset ut ineptę vanitatis delirationem omiserunt. Quamobrem summę prudentię, & moderationis plenum semper arbitratus sum eorum disceptandi consilium, qui nulli parcentes labori, ut novas rationes, & experientias ad rem literariam illustrandam cumularent, tamen nisi forte ubi res ipsa mentis aciem ita prestringit, ut nullum dubitandi locum relinquat, penes alios iudicium esse permittunt. Quo in genere Lynceum nostrum Mathematicum excelluisse video, nec vos cum ex eius pridem exultos consuetudine, tum sponte a natura condofactos, minori preduos animi moderatione crediderim, nec ex dubitationibus quas proponā reportaturum me arbitrer quod a nonnullis autoribus referri audio, calamo suo reliqui nihilasisse quod scriptis non tradiderint. Cum enim ad illud quantumcunque exarandum non minus aliquorum ex vobis perhumana cohortatio, quàm insitum mihi veritatis inuendę desiderium permouerit, auditurum me aliquid, quo melior, & doctior euadam, non diffido.

A principe igitur inuestiganda veritatis auspiciatus, pro re pauca loquar, cum sciam virum longè eruditissimum has sibi partes iure merito vindicasse. Utinam tam facile, & prom-



9

promptum esset vera inuenire; quàm falsa nonnulla apud Aristotelem conuincere, ita enim, opinor, qui ab antiquorũ ratione desciscit, aliquid melius afferat, necesse est; tandiu autem melius videri non poterit, quandiu doctrinae solidioris fundamenta non iecerit, & ea quæ carpit, quæ emendat suis principijs conuenienter accommodarit, quæ hactenus a magno illo viro promissa sitienter expectamus, eòq; opportunius accidet, quò rationibus, non dicterijs modeste solet tantum Philosophum impugnare. Etenim plebei quidam Academici de fece nescio quorum ab omni doctrina, & humanitate imparati Aristotelem conuitijs infestantur, non corrigunt, quicum Θapισμαχέσθαι, non autem disputare videantur, digni habendi sunt in quos Memnon aliquis literatus animaduertat, vt olim in Darij militem, nō armis, sed conuicijs gloriam Alexandri infringentem: Nam, inquit ἐγώ σε τρέφω μαχόμενον, ἀλλ' ἔλδοιδορέμενον Ἀλεξάνδρῳ.

Ac primum hunc ordinem disputationis esse video, vs cū Philosophorum omnia tela, tanquam obtusiora infregerit, sua demum in illos aculeata contorqueat. Hoc igitur solum pugnetur deficere argumenta ad mobilitatem terre, ad immobilitatem non deesse. Et verò ad probandam terre quietem in medio mundi Physici quidam plumbei multa usque adeo superstitiosè atque aniliter effutiunt, vt mihi quidem parum differre videantur ab eo quod refert Plutarchus de oraculorum defectu; duas aquilas ab extremis vniuersi partibus euolantes, sibi apud Delphos in loco quem appellant Omphalon, occurrisse, atque ibidem antiquos mediū terre habitabilis collocasse: Sic Philosophi barba tenus sed



qui ne pilum quidem Sapiëntiæ habet, miserè dilacerant Philosophicum centonem quem sutilibus suis chartis sarcire volunt, ut non mirer Theophrasti discipulum Metroclem, quod magno emeret huiusmodi hominũ libros, ut in officina Vulcani statim in lucem omnes ederet. Moueant alios commentitia vix digna lucubratione anicularum, me constans, & physica ratio, quam tamen a viro lynceo dum iuxta mentem Philosophorum non satis explanatam esse video, hic prope modum uerborum ut parum firmitudinis obtineat, id quo hactenus firmari posse terram existimaui.

1. argum. Atque ut a concessis gradum deinceps promoueamus, si  
Quod ex doctrina Sol in octaua sphaera poneretur, saltem ut stella sexti ordinis  
Ceperni- appareret, ergo si cælum Solis, quod ipsius diametrum con-  
ci cælum tinet circiter vices ac ducenties, intelligatur esse stella ibi-  
Solis nõ sit maius dem collocata, si non maius Sole ipso nunc aspectibili, secun-  
stella 6. dum Ticonis, & antiquorum hypothesis, saltem se nobis  
m g cõ videndum sub diametro trium, & amplius minorum  
tra pag. exhiberet, sub quindecim verò, & amplius, si faciamus  
350. inibi Solem instar stellæ primæ magnitudinis, quæ sit secundorum quinque duntaxat, non autem duorum, aut trium minorum, ut ceteri Astronomi voluerunt, ita enim magnus orbis hic se multò maiorem, quàm nunc Sol videatur, representaret. At basis elliptica cylindri obliqui (ita vocat autor cylindroidem) quam describere in octaua sphaera concipitur axis terræ sibi semper parallelus, dum per eclipticam motu annuo cõuertitur, orbi magno seu plano eclipticæ secundum vnā diametrum equalis est; ergo huiusmodi magnitudinem exhibebit. Cum verò eiusdem basis diameter sumpta in circulo meridiano sit mensura, qua stellam aliquam



aliquam Draconis iuxta polum eclipticæ in minima præsertim altitudine modò altiore, modò post sex menses depressiorem videremus, Et quidem, quod autor neglexit observare, cum maiori differentia ab Ariete ad Libram ubi maxima est ellipseos diameter quàm a Cancro ad Capricornum, ubi minima, adeo non Ticonem qui accuratissimis instrumentis fecisse videtur experimentum, ut ne oscitantes quidem Astronomos id effugisset. Sed quia certum est Astronomos locutos esse de stellarum magnitudine suis radijs aduentitijs illustratarum, propterea cum dixerunt sequi ex doctrina Copernici magnum orbem vix stelle sexti ordinis fore equalem, posuerunt ex apparenti ad oculum magnitudine, huiusmodi stelle diametrum non 50. tertijs, sed ad minimũ 1200. comprehensum. Et omnino videtur perabsurdum in octava sphaera positum magnum orbem etiam sub hac exigua diametro visum iri, sed si quis hoc sequi ex doctrina Copernici inficiatur, iam ergo ex proportionem diametri solaris ad orbis magni diametrum hoc est 11. ad 2416. eiusdem orbis linea media erit 263563. atque ita duplo maior Solis nunc apparenti diametro videretur. At huiusmodi magnitudo ita feriret oculos ut si quis aliquod circa horizontem attollendo, non posset nõ in sensum incurrere. Id vero manifestius elucet in ijs qui habitant sub tropico, ubi polus eclipticæ maximum apparentium describit, atque etiam in sphaera recta, ubi radius visionis contuentibus polos parallelus est axi terre. Quare polus a nobis appellatus, vel potius certum octavae sphaere punctum habentibus in æquatore triginta circiter minutis, hoc est diametro Solis media nocte deprimeretur, totidem meridie eleuaretur, nusquam esset in hori-



zonte, sed alius quidam mobilis, & diuersus; sed & al-  
 tior ad oculum Cynosura singulis sex mensibus conspiceretur.  
 Cum igitur hæc observatio quæ sequitur ex terræ motu, ex  
 p. etationem fallat, quid de ipso sentiendum sit omnes vidēt.  
 Atqui huc ex concessis appulsi sumus. At forte non est ea mēs  
 auctoris, ut Solem affixū octauæ spheræ instar alicuius stel-  
 læ sextæ magnitudinis appariturum ex propria sententia pro-  
 nuntiet, sed ut aduersarios commonefaciat hoc secuturum,  
 tametsi octaua spheræ non longius a Saturno, quàm posue-  
 rint Astronomi, statuatur. Cæterum si ut res se habet,  
 ingenuè sit explananda, nec Solem inibi compariturum, nec  
 eius cælum speciem ultra stellulæ magnitudinem, ac ne id  
 quidem fortassis, habiturum. Et licet alicui videatur so-  
 lertia, & caliditate quesitum effugium, nihil tamen su-  
 perest quod urgeamus, nisi quòd autor videtur suscepisse  
 refellendum ut paradoxum absurdissimum ex hypothesi Co-  
 pernicana sequi magnum orbem non esse maiorem stellæ mi-  
 nima, quod tamen non ex ea quam refutat, sed quam at-  
 tuli ratione consequitur. Neque id modò verum stellam  
 sextæ magnitudinis tanto maiorem esse Sole, quanto Sole  
 maior est suus orbis, hoc est secundum autorem sexagies, &  
 millies centenis partium millibus. Quin etiam propemodum  
 vicesies ac ducenties longius quàm posuerint Astronomi oc-  
 tauam spheram ab alijs dissidere, iuxta traditam de Martis,  
 & Veneris apparenti magnitudine proportionem. At in  
 tam incredibili spatio, mirabitur aliqui præter symmetriam  
 vniuersi, nullam sub aspectum cadere stellam fixam,  
 nullam errantem, & quod dicto Metrodori est absurdius,  
 in tam vasto campo ne vnā quidem spicam reperiri; atq;

ubi



ubi dum nihil videt, aut nihil, aut superuacaneum arbitratur, hoc semel, inquit, amisso, per me sint omnia protinus alba. Nil intra est oleum, nil extra est in nuce durum. Sic igitur accipi debet dictum illud Philosophorum, quod secundum hypothese[m] Copernici ita remouenda est octaua sphaera, ut in ea magnus orbis minime stelli magnitudinem vix referret. Quae cum facile in mentem Simplicio venire possent, ne Peripatetici quererentur cum viro sapientissimo, accipi ab alijs leua, quae dextra a se porriguntur, omnino, dicat aliquis; sicut Iuppiter Persianus, Simplicius stolidam praebet sibi uellere barbam. Nisi forte referat, non sua haec sed amicorum esse responsa. quemadmodum accidit Passieno, quem cum res a se praclare gestas putidiuscule praedicantem introduceret Quintus, & tandem ita concluderet ut cum omnium risu diceretur Passienus Rancidulum quiddam balba de nare locutus arguere subiecit ipse Nil mirum o Quinte, nam loquor ore tuo. ut igitur omit-  
tam locos, ubi longe institui possunt disputationes, in quibus Simplicius non inferior videretur, contentus ero vnum aut alterum attingere, ut in suo stare robore praecipua argumenta demonstraretur.

Ad solutionem enim illius argumenti, quo ostenditur diffectum iri lapides, quae solutio ex longa verborum profluentia contrahitur ad hoc vnum, quod terrae motu diurno nihil excuti potest, quoniam eo tempore, quo res excussa ferri debet per tangentem, hoc ipso propria grauitate necesse est moueri per secantem, quod quia citra penetrationem fieri non potest, nihil excuti debere concluditur: Praterquam quod non est maius huius expulsionis periculum in terrae superfi-

2. argum.  
quod tā  
motu an  
nuo quā  
diurno  
corpora  
terre cō-  
tingua ex  
cutiētur  
pag. 182.



cie, quàm in rota decem pedum, quæ semel 24. horarũ spatio conuerteretur. Hic quamquam nõ soluitur difficultas de motu annuo, cuius velocitate non secus ac si per lineam rectam celerimè tenderet globus, multa turbari necesse esset, neque iam per tangentem sed ferè secundum quamlibet lineam, maximè in suprema aeris regione, cum tamen contrarium ostēdat motus ordinatus comitarum quibus intermundia illa turbulentissima decurrentibus nihil inconstantius videri posset. Præstolabar tamen Simplicio, & sustinebam me quodammodo, ut diceret saltem res in summo pyramidum, aut monium vertice collocatas, ubi nulla si cōtio impedit, expulsam iri. Nõ enim vim argumēti eludet, qui negabit in puncto fieri contactum huiusmodi; nam ut ita sit, res tamen quæ per tangentem motu celerrimo ferri deberēt in illis locis, ob tarditatem motus quo per secantem simul moueri necesse est, tam exiguā terræ portionem non penetrandam, sed abradendam, & quasi delibandam habent, ut eam tanquam puluerem volatilem secum auferrent. Et illud malum quàm quod aliquis subijceret, fore ut lapides saltem per terram decurrerent. At illud de rota dictum, facile ex eo confutatur, quod si terra hunc in modum circumducta intelligatur lapis ad ferri aciem procudendam, acueret, opinor, & partium eminentias longè aliter abaderet, quàm si decem pedum duntaxat poneretur, ita enim nec aerem nec quidquam aliud secum auferret, ut immeritò Philosophi à Lunæ concauo subiectum ignem rapi docerēt. Quātò igitur magis lapides, & cætera deturbabit.

3 arg. ab ijs,  
quæ r. cedēt  
ad occid. tē

Sequitur nunc altera argumentatio non minus terræ, quàm  
causæ peripateticæ firmamentum. Posita terræ atque aeris  
diurna



diurna circuitione, si intelligantur duę aues ramo sedentes, aliera in polari, altera in æquinoctiali circulo mox in altum se subijcere. & per horam, vt assolent interdum, fastigio loci alicuius imminere. Sed opinor Academice, iam rides et nimis uncis Naribus indulges. Caue, inquis, ne sint duę aquilę Delphos volantes, aut ex coruorum ouis exclusę, qui vñ cum aere circumducti nequidquam cochleis inhiabant. Agesis. Verò nunc animum referamus ad veritatem, non magis causę prauaricari, quã præiudicium fieri velim. Qui statuit aliquid parte inaudita altera, AEquum licet statuerit, haud æquus fuit. Non possunt aues illę aequali temporis spatio rapi per circulos inæquales, cum aeris motus paulò grauiora corpora non abducatur. Vel si quemadmodum tota terra, & ob eandem naturam aer ipsi vicinus, similiter & aues, & terrę partes ab ea separatę diurno motu circum aguntur, cum eadem sit totius, & partium proprietas, male omnino congruenter Dial. 4 assignatur causa æstus marini, & aurę perpetuę ab oriente in occidentem, quòd aer, & aqua diurnum terrę motum quo rapiuntur non assequantur usquequaque, sic enim non ad naturę similitudinem confugitur, sed ad impetum quendam rapientem, qui cum ad motum annum non minus requiratur, dici non potest cur terra quę per eclipticę campos liquentes (iuxta auctoris principia quòd diameter orbis magni contineat terrę semidiametros 2416) singulis horis circiter 4000 conficit milliaria, aquã, aerem, & omnia quę non naturę similitudine, sed solo illo impetu protrahuntur, iam pridem a tergo non reliquit, vix enim ob sympathiam tenacius adherēt terrę quàm magneti ferrens pulvis, qui tamen excutitur totus si magnes per aerem proj-



proijciatur. Præterea res illæ seu lapides, seu aues nō possunt id habere ut a toto separata eodem tempore brevissimū conficiant circulum iuxta polos, & maximum sub æquatore, si illuc transferantur, quasi circuli in quo versatur magnitudinem corui illi oscines præsentirent. Omnino, inquis, nisi daretur impetus, qui cum a terra primū imprimatur arbori, & aubus ab arbore dum ramis etiamnum inhebant, eundem servant in aere maximè circumducto, & ad id plurimum conferente, minorem quippe sub polari, sub æquatore verò maiorem: Quare cum impetus ille contrario non oppugnetur, modò suspensæ aues illæ se sustineant, tota quàm longa est æternitate converterentur. Itaque tota res eò pertinet, ut posita terræ replicatione, & impetu illo sublato avium certo loco impendentium volatus, aut iactus lapidum ad lineam eodē recidentium ab aere solo proiecti deferente secundū mentem Aristotelis fieri non possint. Hoc igitur contendā Aristotelis opinioni de motu projectorum a multis h. et Peripateticis damnatæ suam defensionem non deesse, nec etiam admissio illo impetu, ex eo quidquam ad terræ mobilitatem peruenire. Qui enim contra reclamitant, seu ex Peripatetica, seu ex Democritica Schola nec commodius quidquam afferunt, nec suis positionibus satis congruenter loqui videntur. Illi, nam & Aristoteles (inquebat Augustus) θηριότοποι, se tricus ac plagis maioribus impediunt, dum respondere tergiuersantur, an impetus ille suus imprimitur eo instanti, quo res a proijciente separatur, unde sequitur contra quàm experimur, motum in principio quàm medio fore velociorem; an verò in tempore, certè non eo quoviam est separata, sed neque quo mo-

Nullus  
datur im-  
petus im-  
pressus  
de gene-  
re quali-  
tati pag.  
143.



uenti coniungitur, lapis enim manu diu multumque agitat-  
 us, si tunc iuxta motum velociorem impetum gradatim  
 acquisiisset, quid est quod aperta manu defluit ad terram  
 immotus? a quo corrumpitur momento citius quod gra-  
 datim productum est? nihil enim successione quadam ge-  
 nitum, maximè cuius conseruatio a causa sua primaria  
 non dependet, vno instanti perire potest; a quo contra-  
 rio igitur non paulatim, sed tam violenter opprimitur, vt  
 ne transuersum quidem unguem excurrat? Quare cum  
 iuxta productionis suæ naturam interire deberet, accide-  
 re videremus lapidi ex velocissimo motu represso quod  
 auribus in ipso volatu interceptis, quæ sibi relicta statim  
 auolant. Non facilius ex his scopulis, quàm ex cotibus  
 Aristotelis enauigatur.

Nunc ad Democritum, cuius alumni cum illud Empe-  
 doclis occinant; φύσις ἔθενός ἐστιν, Ἀλλὰ μόνον μίξις τε διάλλαξις  
 τε μίγνυντων. Cumq; sibi tam defendendum quàm mœnia sus-  
 ceperint calorem, frigus, hum. sicc. ceteras qualitates esse  
 volatiles atomos, hoc est substantias indiuiduas, quarum  
 neque ortus ex materia, neque sit interitus; cur nunc im-  
 petum, seu qualitatem impressam quæ ex nihilo fit, & in  
 nihilum abit, introducunt? An ne hoc quidem videt con-  
 sequens esse sic omnes qualitates interire, neque eandem  
 esse motus, ac signæ rationē, cum ille a mobili, hæc a quā-  
 titate, hoc est a re ipsa quanta secundum probabiliorem sen-  
 tentiam sola intellectus sepatatione distinguatur. Quare  
 obijci non potest Democrito quod figura ac motus ex nihilo  
 facti in nihilum abeant, cum nihil sint a rebus ipsis distin-  
 ctum. At impetus ille qui gradus habet, & veram causæ  
 efficien-



efficientiam non potest non esse qualitas primis omnino per-  
 similis. Unde ergo venit? quo tandē abit? Rideret qui-  
 dem forte, sed ne Democritus quidem iuxta suam senten-  
 tiam responderet. itaque suis se compungū acuminibus &  
 d. Et inē iugulum petunt, quam studiosē defensitant.  
 Illud nunc pūgnant, & enituntur, et demōstrent a ven-  
 to, aut aere propelli non posse globos illos immanes, a quo  
 ne unciola quidem plumbi sustinetur. Non latuit Aristo-  
 teli istuc quidquid est argumenti, sed alia vis insita om-  
 nibus elementis, vento quocunque vehementior, eòq, ma-  
 ior quò præsentiū est periculum, Philosophum in eam sen-  
 tentiam induxit, ut crederet proiectū in partem ali-  
 quam violenter impulsū a mouente, ab eòq se subtra-  
 hente mira celeritate derelictū impelli deinceps ab elemē-  
 to illuc metu vacui concurrente.

mo<sup>9</sup> pro  
 iectorum  
 fit ab ae-  
 re metu  
 vacui su-  
 blequen-  
 te.

Sic trochus, & torto volitans sub verbere turbo,  
 Quem pueri magno in gyro vacua atria circum-  
 Intenti ludo exercent, ille actus habena  
 Curuatis fertur spatijs, stupet inscia turba,  
 Impubēsque manus mirata volubile buxum.  
 Non stupet tamen huius rei scientissimus Aristoteles: Ta-  
 met si enim circa proprium axem politissimus ille trochus in  
 aqua, vel aere conuertantur, tamen cum primo circuitu  
 a mouente conuolutus vicinas elementi partes attrinexit,  
 & rapuerit (rapi enim fide digna experientia cōprobauit)  
 alijs eò concurrentibus vacui prohibendī causa circulatur.  
 Vereor ne cachinnum hic tollant qui longo siphone intra  
 aquam demerso, & probè licet occluso, inducū tamen  
 interius e fundo lignum ad extremam oram vi pertra-  
 xerunt,



xerunt, unde vacuum a se multifariam effectum non ambigunt. Opportunè hic Aristoteles, nullum, inquit, corpus alteri copulatur, quin intercipiatur aliquid aeris. Atqui ille periclitante natura cur ad quantumvis spatium non se extendet? maximè cum rariora omnia fieri videamus, enses, vitrum, aquam, campanas. Flectitur ensis, flectitur crystalli, vel aque congelatae virga, rariores exterius circuli maioris partes, minoris interius densiores fieri necesse est. Æs vulgo dictum campana sonat, aut cyphus vitreus cuius ora digito percurritur, singulae partes tremunt, nisi idem affirmes, quæro cur non vibranti illo motu dissiliunt? Omnibus denique eandem inesse proprietatem conuincit rota, cuius minimus modiolus, atque extremus ambitus cælo vastior, una circumducit omnes tabulas cuiuscunque magnitudinis percurrant sibi subiectis, & parallelas, ut si intelligantur in cōtactu relinquere superficiem, tantum granum papaueris quantum ipsa cælorum spatia, hoc est in infinitum diduci potest, cuius rei facilem demonstrationem prætermitto. Rem igitur totam contraho ad incredibilem velocitatem qua cum mouens a proci subducitur, proximum accurrit elementum, siue globus malleo in aere circumducto, siue nucleus sub aqua compressis digitis propellatur. Aquam rariorem fieri nō vultis, valde aueo scire cur ebulliat, cūque aerem non alia ratione fieri rarum admittitis, quàm inducto vacuo ex aerearum atomorum a se inuicem abductione, tamen atomos aqueas rotundas, & aequales si non comprimi ob figure proprietatem, saltem diuelli, atque ita vacuum siue raritatem induci non dicitis? Sentio præterea Aristotelem non modò transversa

re in infinitum fieri possunt rariores

responsio ad argumenta propter im-  
presso  
pag. 144.



*sagitta sed etiam flocco laneo appetitum. Sed ne ille floccus est floccifaciendus, propterea enim non projicitur ut lapis, quod ob leuitatem suam recurrit ex parte cum aere ad subductam manum projicientis, non autem grauior lapis, sed potius ad lapidem aer accurrit. Quod verò appensi funiculo lapis, & lana, statim hac a perpendiculo remota conquiescat, ille verò vltro citroque diu vibretur, ita fit ob medij resistantiam; quæ a graui non autem a leui facile superatur. Sagitta denique transuersa non procul emittitur cum ob rationem iam allatam, tum quia celeritas maxima qua chorda vibrans a sagitta recedit, in medio est vbi eam non contingit, sed in extremitatibus, quæ maiori tarditate mouentur. Sed neque directa tam longè emitteretur, nisi cuspidem haberet grauiusculam, qua simul ac pennis eodem veluti tenore vehentem transuersus aer incurrens non detorquet. Grauior est de cursore, vel equite difficultas, qui per canalem, quem habet in manibus ad lineam erectum, vel aperta manu pilam inter currendum fluere sinit, si illa in æquabili planicie consequitur ipsum, ad tempus. Sed dicendum est ab extrema canalis ora pilam propelli: Atqui hac ora si paulò longior sit ex ea parte ad quam globus tendere debet, stabit, ut opinor, affixus humi. Sed opponetis eius impetum a contraria illa ora repressum iri. Quid igitur fiet? ego enim neque alteram canalis partem longiorem, neque æqualem volo, ab utraque enim contendo protrudi globum, & aerem accurrere, perinde ac si manu projiceretur. Nullum igitur id quidem argumentum vltro citroque desumptum ex pila e summa naue, vel ab equite sponte demissa. Quid  
 verò*



Verò si globus filo suspensus in ipso cursu demittatur, an  
 herere debet immobilis? Primum faciendum est pericu-  
 lum. Sed fortè loqui congruentius secundum Democriti  
 Philosophiam, & propius abesse videbitur a Veritate,  
 qui sentiet aerem ad proiectum conuolantem, atq; etiam ad  
 globum. dum a currente filo suspensus in aere detinetur,  
 non parum quidem momenti conferre, ceterum vim præ-  
 cipuam impetum esse non iam qualitatem sed motum a proiecto  
 reapse non distinctum, ita ut nihil aliud sit quam proiectum,  
 quatenus unam in partem agitatum, eodem tenore, nisi quidpiam  
 obsteret, tota ferretur aternitate. Sic globus in loco sibi  
 non resistente vel una circumuolutione versatus, finem  
 circuitus non reperiret, quod quia longum est me explicare,  
 prudens omitto, alterum caput strictim attingo, quia mihi  
 cum peritissimis Mathematicis res est, quibus hæc minuta nolo  
 diutius obtrudere, ut qui apud Senecam querebat ab om-  
 nibus cur vitrei cyphi cadentes, non autem spongiæ frangerentur.

Utcunque tandem ille impetus ceciderit, siue ad motum,  
 siue ad qualitatem referamus, ostendo neque proiectum in  
 altum lapidem ita consequi posse aeris motum, ut eodem  
 relabatur, neq; volantem auem, ut longo post intervallo  
 non relinquatur. Sit enim utrique ad maledictum im-  
 petus ille impressus, cuius omnino natura est certo tempo-  
 re gyrum certæ magnitudinis efficere, quo quidem nisi aliud  
 obstaret circa terram perpetuò voluerentur. Jam Verò  
 a grauitate quodammodo contrarius alter impetus sese in-  
 fert, quo priore destructo ad perpendiculum, si fieri pos-  
 set, centrū petant. Antequam ergo ad terram lapis altè vibra-  
 tus remigrarit, impetu priore non secus ac Palinuro suo

Cōfirma-  
 tio tertiij  
 argumēti  
 etiam ad-  
 misso im-  
 petu im-  
 presso.



extruso, non ad eundem locum, sed retrorsum ferrinecesse est. Quod apertius in aëre viderelicet, dum sustinet illa aëre se liquido, celeres neque commouet alas, inquit Poeta, hoc est dum se libratam sustentat interdum per horam ipsam; tunc enim uero circulator illo impetu propria gravitate corrupto, procul a piscosis suis scopulis auferretur. Agesis enim, quisquis hoc tuendum suscepisti, studeo ex te audire, vter lapidi atque aui maior impetus imprimatur, an qui ipsis a terra, an qui globo a tormento bellico grauiori? Ab hoc opinor dædæ, non modo quia terra totum quem habet impetum non impertit, etenim nullum agens naturale (neque enim de arte factis loquor) communicat omnino quantum habet, alioquin in infinitum aquabiles vel minima pertinerent actiones, ut vel paululo igne proxima deinceps calefaciente, totus orbis concalesceret. Jam ergo vel ex hoc capite lapidem, atque auem, imò et aërem eistà ὀπίσσω recedere fatendum est: Sed etiam quia si quo primo fertur impetu per 24. horas tenderet globus, lineam oppidò longiorem efficeret, si non equatore (non enim summam libet subducere) saltem circulo polari, ad quē si vultis, aut adhuc breuiorē utrūque reducamus. Atqui possunt in tam paruo circulo commeari, ut vix ad unum gradum collatus sit ipsis circuitus a terra, a gravitate verò descensus ad quinque aut sex gradus, ab hoc igitur alter illico corrumpetur. Et quia videmus globi bellici motum ad unum circiter horę minutum secundum languescere, & paucis minutis tertijs plusquam dimidium velocitatis amisisse, sic vel totus in lapide atque aue tandiu librata circumuersionis omnis impetus



rus extinguetur (nam grauitas etiam se sustentis agit in impetum contrarium) aut tam debilis superabit, ut quominus retro frantur non impediat. Atque ita cornus cochleis, rideatis licet, quasi Tantalus inhiabit.

Supereſt nunc de aere appendicula quedam, ut quia <sup>altera confirmatio</sup> dixi aerem quantam haberet terra, non poſſe ſuſcipere <sup>tertij argumenti</sup> motionem, ne videatur ſequi ſaltem commodiſſima ratio <sup>contra</sup> explicandę illius aurę perpetuę, quę bellę flat ab oriente <sup>pag 432.</sup> in occidentem, leuior in mediterraneo, in oceano uehementior, hanc gloriolam vel hoc vnum e manibus extorquebit: Quod ſi aura quęppiam ex terrę diurno circuitu proueniret, propterea quod aer totam ab aquę polita ſuperficie non recipit impreſſionem, ſicut ille qui montium anfractibus coercetur non mod. afflaret hęc aura in locis editiſſimis, ubi aer ſuperior cohæret incluſo, & circumducto aeri certę leniori. & ad rapiendum minus apio, quàm ſuperficies ipſa maris maximę. Verò in oceani locis ſolis, atque excelsis: quin etiam ſi minus ubi terra circumiectis clauditur montibus ſaltem ubi ſunt camporum patentium immenſitates ſentiretur, ibi tamen aeris ingens eſt ſepe numero tranquillitas, quę & multò maior altis in montibus, quos venti, ut ait Ariſtoteles non trāſcendunt, deprehenditur. Ex quo ſequitur terram ne omnino quidem moueri, niſi quid aliud habent. Refert enim Auguſtinus cineres ſupra Olympum ex ſacrificio relictos, & exaratos in iſis characteres, quos vel aura leuiſſima diſturbaret, altero anno viſos eſſe. An quia terrę motus ad tantam altitudinem non pertinet: Atqui ob id ipſum ſpirare deberet uehementius, ſi per immotum aerem mon-

tium.



tium fastigia voluerentur. Et quoniam dici non potest cur minus a scabro montis fastigio, quàm ab æquore plano rapiatur, si rapi dicat aliquis, atque etiam in Olympo ut consequens est auram sentiri perpetuam, videat ne huic sententiæ vulnus inflictum obligando, splendidum imponat mendacium, quod in Anthologia Græca malorum emplastrum appellatur. Hæc igitur fuerit excursio prima, quæ tanquam levis armatura sese opposuit contendentibus iuxta Simplicij verè simplicis confessionem, nullum efficax argumentum Peripateticis superesse, quo terre stabilitas probaretur.

Nunc enim uerò antequam me confero ad rationes, quæ ad eam euertendam proferuntur, hoc imprimis positum velim, nullam fieri decessionem gloriæ, quã Aristoteles, quam magni Viri omnes sibi tot pleclaris operibus, ac monumentis cedro dignis compararunt, si quid interdum oscitanter dictum occurrat. Namque opere in magno facile est obrepere somnum, & ingratum animum, signat a quo gratis accepimus mille fulgentes margaritas, fucatam vnã, aut alteram criminari. Quis enim propterea dubitauerit summũ esse Mathematicum Galileum, si forte nonnihil tradiderit minus accurratè, quàm Mathesis efflagitaret. Quare hæc in aliam sententiam non disputo, quàm ut significem ne tantillum quidem laudis auctori decedere, non modò ex dictis, quòd sentio quàm sint exigua, sed & ex alijs, quæ rationes contrarias refellendo, adducere conabor argumentis; contra verò ob res diuinè excogitatas summi, atque amplissimi honoris accessisse commendationem, quam nulla obscuret posteritatis



tatis obliuio, tātòq; maiorē gloriā adeptū esse quāto praestantius est toti terrę locū in cælo reperisse, quā Hetruriā terrę particulā αἰς τὰ ἑρ' ἐξόρῃα, iuxta etymō, promouisse.

Priusquam ergo terram mobilem esse demonstrat, eam Terra li.  
et non  
sit centrū  
orbū de-  
ferentiū,  
potest ta-  
mē esse to-  
tius vni-  
uersi pag  
25. & 3 summouere conatur a centro vniuersi, apponitq; illi Solem certē petitozem opulentissimum, qui hunc locum ex iure naturę suum esse ait, ibi terrę globum manum cōsertum vocat, & Telescopio iuxta legem tanquam bacillo res agitur. Ait enim acceptam Telescopio hāc referendam esse gratiam, quòd Venerem sexties interdum nobis viciniorem, quadragies ferè maiorem exhibeat, nobisq; Martem septies aliquando propinquiorem, quinquagies maiorem representet, cū tamen nudo oculo parum diuersitatis obseruetur, atque inde conficit quantum melius Solem in medio, quā terram Aristoteles posuisset. Hoc tamen pugnat ad summum terram non esse centrum proprii orbis, in quo planetę conuersiones suas efficiunt, de oētava verò sphaera non probat, neque de superficie conuexa, & concaua orbium inequalium proprium hunc extra, atque intra ambientium. Terram autem esse in centro vniuersi conuincit euidentius grauium lapsus in puteis ad lineam decidentium, si enim non ad mundi centrum sed ad totum suum præcipitant, cur breuissima via lateribus putei non adhærescunt? An partes omnes concurrunt ad medium, ut ibi totum constituent? Sed frustra cū idem possint itinere compendiaro. Deinde ad quod medium omnes propensionem haberent, quod nullum est nisi partibus ordinatis? Et cur cetera quę per consensum naturę copulantur, simile centrum non sibi for-

D      mant,




magis ad primum contactum acquiescunt? ita ut si  
 quædam magnetem perforet, nihil a centro prolegetur, om-  
 nia vero ad extremam oram subsistant. Quid vero il-  
 lud Martem quinquagies apparere maiorem; Nam si  
 obiecta omnia ea proportionem crescerent, qua ad nos ap-  
 propinquât, tricies ac novies maior esset: Cum enim hic  
 stellas tanquam areas circulorum metiamur, habeant au-  
 tem arce eandem inter se rationem quàm quadrata lineæ  
 mediæ, ex septies maiori propinquitate, & apparenti ma-  
 gnitudine lineæ mediæ prodibit quadratum priori maius  
 novies atque tricies: At ipse dixit quinquagies, sicut ex  
 octupla distantia sexagies, ut numerum rotundaret. Af-  
 firmat deinde Telescopio sic ipsis abradi comam ascitam,  
 ut proportionem, qua sub varijs distantijs sunt aspe-  
 ctabiles, precisè retineant; Unde qui illotis manibus at-  
 tractabit eius scripta, iurabit eum sentire res omnes as-  
 pectui sub ea magnitudinis proportionem a Telescopio vi-  
 dendas exhiberi, qua se habent distantia quibus ab oculo  
 remouentur. Verum exposulabat accurata rei tam ma-  
 gnificæ tractatio, ut maxima circa hanc doctrinam con-  
 trouersia non sileretur. Nimirum licet Telescopium ni-  
 hil oculis obijciat, quod ipsis rebus non insit, contra ac  
 multi pueriliter somniarunt, qui ab eo Chimeras e cælo  
 voluerunt deportari, tamen in distantijs supra dicta pro-  
 portione exhibendis fallaciæ plenum esse instrumentum, ut  
 vel ex eo comprobatur, quod vicina quædam incredi-  
 bili magnitudine distendit, ita ut ad ea contuenda ne-  
 cesse sit instrumentum quàm maximè diducere, eadem  
 vero paulum ab oculo remotiora ita contrahit, ut &

ipsum



ipsum maximè sit contrahendum, Sicq; multò minora quàm postulat ea proportio representet. Sed huius instrumenti labyrinthum non ingredior. Alteram addunt nonnulli, quòd non semper equalia sint magnitudinum aspectabilium incrementa, atque decrementa distantiarum.

Non omnia videntur sub eadem magnitudinis proportionem qua se habent distantia, quib⁹ ab oculo remouentur.



Sint enim primùm linea e. c. d. b. equalis, & ad pares angulos erectæ super a. c. non tamen linea b. d.

videbitur duplo maior

quàm c. e. & si oculo a. duplo sit propinquior. Alioqui cùm aspectabilis magnitudo petatur ex anguli optici magnitudine, consequens esset angulum f. a. c. sub quo videtur d. b. duplo maiorem esse angulo e. a. c. sub quo videtur e. c. Atque ita angulo e. a. c. equalẽ esse f. a. c. quo tamen maiorẽ esse probatur. Quia cùm triangu- la a. b. d. & d. e. f. sint equalia & similia, vt facilius est probare, quàm vt in illis immorer, erit basis e. f. equalis basi b. d. hoc est ipsi c. e. Cùmq; anguli maiores in triangulo maiora subtendant latera, erunt latera a. f. a. e. maiora lateribus a. e. a. c. unde posita equali basi f. e. e. c. sequitur angulum f. a. e. minorem esse angulo e. a. c. ergo linea b. d. nõ videtur duplo maior, quàm c. e. quod demonstrandum erat. Ad rem verò parum efficit, cùm in rebus sphaericis de quibus agitur, incrementum rei visæ se habeat iuxta proportionem distantiarum, quibus oculis appropinquat. Intelligantur enim lineæ b. d. c. e. æquales, & parallele, non iam erectæ ad perpendicularum

In rebus sphaericis incrementum rei visæ se habet iuxta distantiam proportionem.



*super a c sed ita inclinatę , ut utrumquę triangulum  
 b. a d & c a f. sit isosceles Jam enim cum ita se ha-  
 beat a. b. ad b. d. sicut a. c. c. f. & alia quę breuita-  
 tis causa omitto, linea a. c. bifariam secabit lineas c f b. d.  
 ac proinde angulum c. a. f. sicq; angulus b. a d. sub quo  
 videtur b. d. erit duplus anguli c. a. c. sub quo vide-  
 tur c. e. ergo positis a. b. & b. c. distantijs equalibus  
 videbitur linea b. d. duplo maior quàm c. e. Quod erat  
 ostendendum . Alij igitur aliã credunt asserre luculētis-  
 simam rationem quòd longè minora sint magnitudinum  
 decrementsa , quàm incrementa distantiarum . Nimi-  
 rum eadem esse rerum lucidarum aspectabilium , atque  
 luminis diminutionem , cùm ergo ad decem passus multa  
 lumina plusquam dimidio soleant decrescere , si seruare-  
 tur ea proportio , ad viginti passus altera parte diminu-  
 ta non amplius cernerentur . At longè aliter se res ha-  
 bet , nam ad viginti passus nō altera tota parte , sed eius  
 duntaxat dimidio , rursus ad tantundem spatij , huius di-  
 midij dimidio , & ita deinceps minuentur : unde tandem  
 sequitur in immensum explicari , atque inde nunquam  
 satis laudatum Telescopium res abditas ad oculos mira-  
 biliter reuocare : Quamobrem , inquiunt , ne ille iniurio-  
 sus esset ipsi , qui ut in ceteris abrogaret fidem , res ab  
 eo supra dicta proportione semper representari contende-  
 ret . Alij denique Perspectiue fundamenta conuellentēs ,  
 negāt omnino rē videri secundum angulorū opticorū pro-  
 portionē . Sed perperā hęc omnia , cùm etiam remoto Te-  
 lescopio idem probari ex appenso inter stellas , & oculum  
 funiculo sit demonstratum , neque aliud inde sequatur  
 quam*



quàm ignorari naturæ consiliū, quo terram centrū stellarum errantium esse noluit. Quare missis, ut ait Plautus, minutis Curculiunculis ad maiora progredior, non enim existimo virum a Mathematicis instructissimum minutè rem definuisse, nec voluisse a Telescopio Marti præcipuè, ac Veneri bene capillatæ totam omnino comam adimi: Nam licet ipsis fucatum abradat crinem velut Heliodorus Tonsorum damno, cincinnus tamen aliquis, ut de Mercurio fatetur, aciem Telescopij semper eludit.

Rationum porrò summa mihi videtur esse, prima quidem admissò terre diurno atque annuo motu, planiorem esse rerum omnium cœlestium intelligentiam, quàm in Peripateticorum sententia. Secunda a Solis petitur maculis. Tertia ab æstu maris. Quarta, si Deo placet, ab experimento circa stellas aquilonares, & lineam meridianam faciendo, ut sic castella præcipua Philosophiæ expugnentur. Et quoniam quidquid apprehendunt Peripatetici ad stabilitatē terræ tuendam, conniunte Simplicio, boni amici statim extorquent e manibus, ut ij qui in armorū tractatione versantur, inquiebat Cicero, nō solū sibi feriēdi rationē habēdā putāt, sed & vitādi cautè et petēdi vehemēter, sic ego breuitate quāpotero maxima nō modo telum enitar adimere, sed si fieri potest, retorquere.

Habet sanè positio Peripateticę Scholę recētioris multa auditu aspera, ut erratiū stellarū motus, progressus, regressus, institutionesq; declaret. Tū vel maximè displicet illa incōstātia, qua ob nouas observationes, aut tota orbis machina cōmutāda, aut quotidie clauus aliquis est refigendus. Terrēt verò magnæ illę sphaerarum cōpages trifariā inter se dirē-

Summa  
rationū  
quibus  
mobili-  
tas terræ  
probatur

Primum  
argum.  
Aduersā-  
riorum  
quod in  
sententia  
sua pla-  
nior sit  
rerū cœ-  
lestiū in-  
telligen-  
tia, quā  
secūdum  
peripate-  
ticos pag  
333.



pta disparibus interuallis, tot foeta, & gravidatę epicyclis,  
 ut abortionem verearis. Atqui ne in spheram Solis, duo  
 superiores Martis, & Iouis orbes impingāt, ubi se referūt  
 ad perigeū, atque ita vel subsistant, & el impacti mutuō  
 cōuellantur, arte callidissima cōstrēde sunt machinatio-  
 nes, quas (licet Poeta Caelū Incudis filiū esse dixerint) ne  
 Vulcanus quidē fabricarit. Ab his ut se eximat Fraca-  
 storius septuaginta orbes pari facilitate conflat, ac to-  
 tidem calices crySTALLINOS. Sed nihil ad Petrum Abail-  
 lardum qui quot in anno dies, totidem cœlos esse voluit. Di-  
 ceres hominem discipline solutioris id perquam astutē ma-  
 chinatum, ut secundum obitum saltem in cœlum aliquod  
 incurreret. Hic certē nos homunciones mirari subit, qui  
 ne apum quidem, ac formicarum, quas pedibus terimus  
 ædificatiunculas animo informare possumus, descriptio-  
 nem autem cœlestis ædificij tam laxē, & magnificē a sa-  
 pientissimo rerum omnium Architecto constructi, aut ca-  
 pere, aut destruere non veremur, immemores nobis in  
 terra degentibus, si reipsa non est in cœlis qualis excogi-  
 tatur conformatio, satis esse si veritas in tali constitu-  
 tione comprobetur. Præclare enim Aristoteles de ijs,  
 inquit, quę sensui conspicua non sunt, iuxta rationem  
 demonstratum est, si ad possibile reduxerimus: Nec ullus  
 ignorantia quasubstructiones infirmas, & minus credi-  
 biles ad siderum motus, & cursus explicandos machinari  
 compellimur, tanquam fauonio abuti debet, ut cœlorum  
 destruens soliditatem, antiquorum autoritate, & ratio-  
 ne constitutā, terræ mobilitati velificetur. Nouit Deus  
 sui operis molitionē, nostrę infantię sufficiat aliquid pue-  
 riliter



riliter adumbrare, ut tanto artificio perfectam molitionem capiamus, verā enim cœlerum descriptionem ne uiuam si quisquam intelligit. Nunc videamus non modò nihil melius in contrarium afferri, sed multò magis aduersarijs ad ignorantiae aram confugiendum esse.

Sit ita sanè faciamus bonis aurbus astra per liquidum propria se reuocatione conuertere, atque unā nos uoluti gentem elocatam circumduētos, ut quidam iocantur, sursum deorsum, ultro citroque cōmeare: Hic enim uero si secunda utimur uelificatione, nec noster a fortuna cursu s dirigatur, circulos orbēsq; absolutissimos ob naturæ perfectionem describere necesse est. Quis enim dicat stellarum aliam ellipsum, aliam rhombum, aliam triangulum conficere? Nullos uerò circulos simplices per liquidum descriptos astronomicis obseruationibus satisfacere demonstratur. Nam sublata excentricorum, & epicyclorum soliditate, quis motum medium planetarum reducet in tabulas? Iam enim sidera uagabūtur longè alio motu, quàm ut constituto ab Astronomis cōueniat; quod uel ex Copernico ipso fit manifestum: Alphonsini enim sedes apogei, & perigæi solaris mutabiles esse dixerunt, sed æquabilitate motus, eo nimirum quem octauo orbi uolebant conuenire, ad cuius impulsu concitati orbes excentrici secundū quid, excentricum simpliciter & proinde apogæum ordinato cursu proferre in consequentia asserebant. Copernicus mutabiles asseruit, & quidem motu aliàs tardiore, aliàs incitatioe ferri, &uariari excentricitatem animaduertit, neque eandem seruari in eadem parte excentrici motus uelocitatem, aut

In sentē-  
tia Adu-  
rsariorū  
astra nō  
describēt  
circulos  
proprio  
motu, sed  
imperfec-  
tissimas  
figuras.

tardi-



tarditatem; quod tamen fieri deberet si solius excentrici  
 motus, & simplex anomalia poneretur. Unde concludi-  
 tur tribui debere Soli nō modò circulum æquatori obliquū,  
 & excentricum, sed etiam epicyclū deuehentem, ut Co-  
 pernici, Ticonis, & accuratis recentiorum obseruationi-  
 bus fiat satis. Possunt, & illa æquè commodè per duos  
 epicyclos comprobari, quorum unus sit in concentrico, al-  
 ter in priori epicyclo; possunt & per plures excentricos  
 nullo epicyclo superaddito, sed simplici per liquidum cir-  
 cumuectū minimè possunt. Eadem est & de Luna dif-  
 ficultas; visa est enim in iisdem epicycli punctis, eodē-  
 que modo dispositis habere varias motuum tum medio-  
 rum, tum apparentium differentias; quod in excentre-  
 picyclo facile explicatur, in concentrepicyclo nullo modo.  
 Non enim potest differentia aduenire in Luna nisi vel re-  
 spectu epicycli, vel orbis deferentis epicyclum: Non pri-  
 mum, cū eodem modo dispositus censeatur. Alterum er-  
 go necessariò consequitur, At si deferens esset concentri-  
 cus nulla etiam induceretur varietas, ergo excentricus  
 est admittendus. Eundem excentrepicyclum concludūt  
 duæ sequentes obseruationes, quòd inuenta sit diuersa ce-  
 leritatis, tarditatisq; ratio, centro epicycli apogæum tenen-  
 te excentrici, diuersa item Lunæ a mundi centro distan-  
 tia in eodem apogæi puncto. Cōpertum est præterea absides  
 seu ima puncta, & summa excentrici non eidem semper  
 adherere loco, & immobilia consistere, sed contra signo-  
 rum seriem conuerti, & bis in mense proximam, & re-  
 motissimam esse Lunam; nimirum interlunia, & plenilu-  
 nia ad apogæum excentrici contingere. Propterea circa ex-  
 centri-



centricum deuehentem epicyclum hinc atque illinc admo-  
 ti sunt orbes extrema superficie mundo concentrica, intima  
 verò quæ excentrico committitur, excentrica, quorum  
 proprio motu extorquetur excentricus simpliciter, ipsiusq;  
 centrum circa mundi seu zodiaci centrum, adeo ut linea  
 ducta a centro mundi ad apogæum excentrici in se conti-  
 neat etiam centrū eiusdem excentrici, & in eadem re-  
 ctā linea semper hæc tria puncta consistant, apogæum, pe-  
 rigæum, & centrum excentrici. Hæ igitur observatio-  
 nes exigunt vel excentricum cum epicyclo ut posuit Pto-  
 lemæus, Pubarchius, & alij, vel concentricum cum duo-  
 bus epicyclis, ut Copernicus, vel quinque orbes excen-  
 tricos, ut Maginus. His observationibus ut quasdam  
 novas adiungunt aliqui, ita & his circulis alios superad-  
 dunt. Hæc igitur Copernicus callidissimus Astronomus  
 intelligens cum liquiditate cælorum non posse satis expli-  
 cari, eorum soliditatem non impugnauit, sed quasi vitel-  
 lum in ovo circumducto terram mobilem constituit. Qua-  
 re satis demirari non possum lynceum Mathematicum,  
 qui maximè in opinione sua de cometis, & tribus novis  
 stellis pag. 44. ab ea videtur abhorrere, ne attigisse qui-  
 dem ullam rationem, qui fiat ut per liquidum spatium  
 bis in mense terræ proxima, & disiunctissima sit Luna,  
 sic enim non circulum, sed ellipsim variatam, atque ut  
 nomen ipsum sonat figuram imperfectam describet, aut  
 aliud id genus: varias similiter figuras pro diuersitate  
 motus cæteri planeta conformabunt. An quia in stellis  
 omnibus vis quædam veluti magnetica consistit, cuius  
 amica, atque inimica puncta variè inter se obuersa, non



modò circuitiones, sed & diuersos accessus, atque recessus efficiant? An potius ad asy'um ignorantiae conuolandum, exclamandumq; Hæc ara tuebitur omnes?

Locus expostularet vt pro solida, & incorrupta cæli substantia, quam nouorum siderum paralaxes nonnihil labefactare visæ sunt, defensionem aliquam opponerem, & vel cum Bodino dicerē doctrinā quidem paralax. esse verissimam, sed oculi atque instrumentorum defectu adeo fallacem, vt vix aliquid certi deprehendatur. At quoniam probè noui sapientissimū, ac omni doctrinarum genere cumulatissimum Philosophum Scipionem Claramontium id muneris suscepisse, nolim vt mihi succenseret, sicut olim Hermolao Alexander, quòd in venatione libratum iam, & destinatum a se idem telo inueniliter occupasset: Non enim mihi latet quàm ab omni oppugnatione tutior sit ea pars Philosophiæ, quam pro summa sua eruditione tuendam suscepit, ea quippe est viri literatura, vt possit cum Hercule OEtæo gloriari,

Illa licebit fulmen a parte auferas,

Ego quam tuebor, siue glaciale polum,

Seu me tueri feruidam partem iubes.

Neque similiter est quòd pro Aristotelis encyclopædia defendenda quidquam pugnem laboriosius, video enim omnibus scientiarum præsidijs instructissimū Georgiū Tröbam Lascareum vt iuris vtriusque, sic Philosophiæ ac Theologiæ Doctorem, & linguæ Græcæ in hac Academia Professore, ea qua est singulari beneuolentia propensus εἰς τὰς ἀμωμῆτους παλαιὰς τῶν Ἑλλήνων, καὶ αὐτὴν τὴν ἑλλάδα φωνῶ, super ea re longè doctissimam orationem meditari.

Ad



Ad Solis igitur maculas me confero, quæ quoniam circa Solem menstruo ferè circumactæ se reuoluunt, & circulatorum quos describunt conuexam partem detorque-  
 re mox videntur in contrarium, quàm priore semestri faciebant, ex eo terræ mobilitatem ingeniosissimè vult inferre. Verùm & si valde laboro vt his assentiar experimentis, propterea quòd macularum, quas & ipse obseruauit inconstans aberratio ita certitudinem flexus ob-  
 turbat, vt nunquam semestrem illam varietatem accuratè deprehenderim, & proclive est quam quis Spartam ornandam suscepit, eam imaginibus vel sola cogitatione informatis conuestire, tamen quia in tam nobili obseruatione nolim viro lynceo refragari, nec reusa atque hebetiori acie cum eius perspicacitate contendere, satius duco quidquid est rei ad macularum circa Solem, vel Solis circa centrum proprium conuersionem referre, quàm refractarioli diuerticulum querere velle videri. Quàm verò non sit absurdum multiplici ad aspectum diuerso motu cieri maculas Solis, vel ex eo comprobatur, quòd terram posita mobilitate non duobus modò volui motibus, & verò etiam tribus sub finem demonstrabitur. Nodus autem præcipuus in afferenda ratione, cur vnus ex illis cum annuo planè congruat, communis ostendetur in æstu diurno maris, cur scilicet etiam si à Luna non dependeat ad eius tamen ita se accommodat cursum, vt singulis diebus quadraginta octo minutis vnus hora, hoc est totidem quot Luna, tardius oriatur. Quapropter qui Peripateticos in ratione assignanda qua macula illa mouentur, insimulabit ignorantia, eadem ipsi in suo maris

Secun-  
 dum Ad-  
 uersario-  
 rum ar-  
 gumẽ um  
 a. Solis  
 maculis  
 pig 337.



aestu turpius allinetur. Et quamquam mei non est iam  
 instituti corruptionem omnem a cælo summouere, eam  
 tamen quivis facile propulsabit, qui observationibus us-  
 quequaque receptis, etiam missa sententia de multitudi-  
 ne stellarum circa Solem oberrantium, respondet nec  
 eius incorruptionem, nec soliditatem destrui, tametsi  
 illæ maculæ sint cælestes quædam substantiæ liquidiores  
 licet non adeo perspicuæ, imò diuersam in se opacitatem  
 habentes, ita ut opacæ perspicuis non ut vinum aquæ,  
 sed ut oleum, aut bitumen liquidum misceantur, et  
 varias quidem figuras, ac motus suscipiant, cæterum  
 nulla labe corruptionis inficiantur. Aliquid simile sed  
 valde perspicuum circa Lunam est admittendum, quod  
 inæquabiles partium eminentias complectatur, atque idem  
 de ceteris astris quæ perfectè polita videri nequeunt, di-  
 cendum est; nisi quis putet in ijs stellis non esse necessa-  
 rium, quarum motum circa proprium centrum nulla ob-  
 servatio demonstravit: Sic igitur optimè consultum fuerit  
 a natura ut sidera videantur, prohibeatur vacuum,  
 & soliditas non destruat: Nam licet Aristoteles op-  
 era Telescopij destitutus figuræ conformationem in nullo  
 cælesti corpore uariatam admiserit, non uideo tamen se-  
 cundum eius doctrinam, qua in re magis figuræ muta-  
 tio liquidis cælestibus, quàm motus solidis incommo-  
 det. Sed an ita sit non affirmo, ne dum ariolari uelle  
 uideor, Lynceus hic aurem mordaci lotus aceto salè  
 facietiarum aspergat nimirum opportunè substantiam il-  
 lam opaciorem oleum incombustibile Philosophorum appel-  
 lari, quo illinantur cælorum axes ne aliquando adhære-  
 scant.



scant. Hoc tamen tutò dicere possum minus id inconcin-  
num videri quàm in Sole crateres Aetneus effodere,  
unde vis ignium ut ita dicam subsolarium iugi defla-  
gratione eruat corpora illa maculosa.

Attollitq; globos flammarum & sidera lambit.

Interdùmq; atram prorumpit in ethera nubem,

Turbine fumantem piceò & candente fauilla,

Interdum scopulos, liquefactàq; saxa sub auras

Cum sonitu glomerat, fundòq; exæstuat imo.

Quid rei sit ergo nouit vnus ille, Qui posuit in Sole ta-  
bernaculum suum. Quare dum aliij ad maculas illas abster-  
gēdas aliquid ingeniosius excogitabūt, lōgiori disputatione  
superfedebo, vbi dixero cū Platone in Dial. de Sanct. nō  
magis in cœlo maculas quasdam nobilitati, ac luminibus  
astrorum, quàm urticas in terra pretio gemmarum offi-  
cere.

Sequitur nunc de maris æstu longè pulcherrima di-  
sceptatio, qua nulla artificiosior videri potest, ut sicut  
e vestigio Herculis terræ impresso corporis magnitudo re-  
perta est, & ex digito Colossi Rhodij Constantinus Por-  
phyrogenitus totam molem facile comprehendit, ita vel  
ex hac vna machinatione quàm excelsum fuerit ingeniū  
Galilei, omnis posteritas animaduertet, si tamē (quod nostri  
saeculi fert inertia) a Mathematicis nō abhorreat, ut Xeno-  
cratē audire mereatur increpātē τοπίους, λαβὰς γὰρ π' αὐτῆς  
φιλοσοφίας. Et sanè tam plausibilis, licet parum popularis  
hec mihi visa ratio, ut si omnia quæ in speciē videtur ex-  
planare, aliā non inducerēt asperitatē, fortè iam cōdixissē  
Navarcho, cuius muneris est hūc orbē tā lōgis itineribus de-  
portare,

Tertiū ar-  
gum. Ad-  
uert. ab æ-  
stu maris  
pag. 419



portare, & si non reapse cum terra, saltem cogitatione  
iam vagarer. Non enim ut vulgus cui sanitatis patro-  
cinium est insanientium turba ex veritate pauca, ex opi-  
nionibus multa aestimans, hanc sententiam ut meridiatio-  
nis expultricem, qua stertendi omnis praeberetur com-  
moditas arbitrabar; sed veluti qui lintribus allabuntur  
secundo flumine leni alveo decurrente iucundiores, &  
arctiorem somnum capiunt; ita si terra moueretur, Dru-  
so vitulisq; marinis optimè consultum a natura suspi-  
cabar, neque terrae immensitatem tanquā Ptolemai Phi-  
lopatri triremem 280. cubitorum in flectendis tropicorū  
promontorijs inutilem existimabam, verum enimvero  
re accuratius pensitata, ex quibus velocissimè terram  
circumire dubitabam, reperi, ut ait Plautus, Immo-  
biliorem Gallicis Canthelijs.

Adue-  
si de-  
quent  
na-  
turam  
ad  
suis  
opi-  
niones.

Occurrit imprimis paulò hebetior hoc loco viri lyn-  
cei perspicientia, qui cum perfacitè dixisset non primam  
a natura hominis cerebrum, atque mentem fabricatam,  
ad cuius captum, & intelligentiā ceteras deinde res a se  
creatas accommodaret, quin potius naturā a molitione re-  
rum omnium auspicatam, tum demum ad intellectum  
hominis creandum transiisse; eūq; habilem ad particu-  
lam aliquam suorum operum, licet difficillimè capiendam  
reddidisse, Philosophos tamen reperiri, qui sapientis na-  
turae manum violenter ad sui ingenij Criterium pertra-  
here conarentur, quique inter differendum quasi iraba-  
li clauo primum conclusionem menti suae penitus confige-  
rent, vel quia propria, vel quia favorabilis est, & po-  
pularis, cum cetera quantumvis insulse, & praeposterè  
ad



ad eam stabiliendam componerent, sicq; non ex assumptis conclusionem, sed assumpta ex conclusione derivarent, ipse tamen non modò naturam prensare, sed eam vel renitentem ad systema Copernicanũ hoc loco protrahere mihi videtur. Ex motu siquidem terræ diurno, atque annuo ita vult maris æstus ab oriente ad occidentem, & contra reciprocari, ut in angustis illis oceanis tractibus, qui à septentrione ad meridiem producuntur, nullus ad sensum sit æstus notabilis, & insignis; quare & fidenter asseuerat in mari Rubro non reperiri, propterea quòd terra per eclipticam ab occidente in orientem, non autem a septentrione ad austrum conuertitur. At obsecro quid est naturam ad opiniones suas detorquere, & ad conclusionem animo fixam accommodare cetera, si hoc non est? Nam ut mittam alics sinus meridianos, & maria quæ a septentrione mouentur ad æquinoctialem, prope insulam sancti Thomæ in mari Rubro tam vehemens incumbit æstus, ut quemadmodum referunt Mer-  
 cator, & Scaliger, quidam affirmarint Mosem cum po-  
 pulo Hebræo illum alueum siccum tempore refluxus tran-  
 sisse, dictum impietatis, atque inconsiderantiæ plenum:  
 Tum quia, ut habetur Exodi 14. mare erat ex utra-  
 que parte littoris quasi murus, dum illi per medium al-  
 ueum incederent. Tum quia non potuit eò pertingere re-  
 fluxus, nam in ultimo recessu maris est Suez oppidum,  
 at Hebræi multò inferius, scilicet ad 40. circiter millia-  
 ria procul ab vrbe Suez transierunt, nec potuit æstus ad  
 tantā distantia pertinere: Tū deniq; quia Moses sex horarũ  
 spatio tam longo itinere totũ exercitũ mouere non potuisset.

Sed

Æstus  
 vehemens  
 in mari Ru-  
 bro con-  
 tra pag.  
 427.



Confuta-  
tio prin-  
cipiorum  
æstus diu-  
rni.

*Sed ut rei veritas ex fonte suo hauriatur, considerandi cum aqua Venetias, ut ipse ait, lintriculo deuchitur, si remiges concepto semel magno impetu subsistant repentinò, tunc aquam vehemèter assilire, at si paulatim remigationi moderentur, ita ut tandè omnino reprimant cursum, aquam herere penitus immobilè. Eat ergo terra per eclipticam, nec modò solstitiali se, & brumali reuocatione conuertat, totiùsque cæli descriptionem longis referat interuallis, sed etiam circa proprium centrum ab occidente in orientem diurna replicatione moueatur, simulq; iuxta spheræ circumactæ proprietatem quasi mutata uelificatione remor inhibeat, & ad occidentem conuertatur, ut aquam iam incitatam illico frustretur, cogatque diu reciprocari, ueluti qui impactò repentinè nauigio *ζύβανος* in mare prolabitur. Cum uerò oceanus sit ex Colūbo toti terræ circumiectus, planioris intelligentiæ causa quatuor in eo puncta designo. Primum in ecliptica ad orientem, alterum a Sole remotissimum, tertium in ecliptica ad occidentem, ultimum uerò Soli proximum, quibus punctis quatuor dirimantur quadrantes, ubi terra tardius aut incitatus ad orientem contendit. Quoniam ergo qua duplicati motus celeritate crescente, sensim a fine secundi quadrantis ad initium primi fertur oceanus, eadem motus gradatim repressi tarditate fertur in sequentibus ad occidentem, aqua ueluti paulatim assuescit, & faciliè ad lentam mutationem se accommodat: Sicut enim non quauis lintrium repressio aquam effundit, sed uel repentina uel quæ huic propinqua est, ita neque duplices terræ motus (loquor iuxta mentè auctoris) mare poterunt cōcitare,*



citare, nisi repentè dissideant inter se, & longo veluti postliminio in vnum subitò consentiant, & conspirēt. Neque ad id iuuant oceani immensitates, conceptus enim impetus in fortissimo puncto, in ceteris sensim debilioribus ita languescit & immoritur, nullus ut inde sequatur æstus, & planè sit eadem aquarū omnium, ac oceani ratio, nec fortè per iocum dicat aliquis, si quidquam probaret id argumentum, quasi lubrico fallente vestigio prolabi quotidie deberemus. Et verò si minimus ille excessus quidquam potest, dicam solo terræ annuo motu æstus similiter excitari; nam aqua dum ab una eclipticæ medietate deflectit in oppositam, concipit impetū contrarium, unde aquarum omnium æstus, ac perpetua aeris agitatio sequi deberet, & si referas circulum carente principio medio atque fine, & adeo paruum esse quotidie huius motus diuersitatem, ut aer & aqua ad illum se suauiter accommodent, ad rem nostram eandem responsionem applicabo. Jam verò quòd æstus sint res quædam minimæ respectu totius maris, non facilè quis adducetur ut credat, maximè si verum est quòd ait Pytheas Massiliensis æstus alicubi octogenis cubitis intumescere, ad quod efficiendum modicus ille celeritatis excessus non sufficit, cum ne ventorum quidem & alidus, ac præcipitans motus tantam possit aquarum molem accumulare.

Quamquam autem mihi de ea re mecum animo reputanti ita statuendum videatur, quoniam tamen is sum qui existimem omnes veritatis indagatores liberaliter habendos esse, detur ex illo terræ motu æstus oceani se-

Eiusdem æstus cō-  
luatio, ex  
qua im-  
mobilitas  
terre pro-  
bat, et  
am. d. m. f.  
his prin-  
c. p. i. s. Ad  
transfere-  
tum.



Hoc erat , o natura parens quòd ad aethera vultus  
 Erectos , atque os homini sublime dedisti ,  
 Ut miser in cælum nequicquam ardentia tollat  
 Lumina, sidereos sed quæ rota concitat axes ,  
 Quos populos Solis, quos orbita candida Lunæ ,  
 Et Venus , & Veneri propior Cyllenius orbis  
 Deuehat ignarus dubitet , cæliq; meatus  
 Suspiciat frustra illacrymans ; pontumq; profundum  
 Aspectet , variòsq; æstus , pelagiq; labores .  
 Cernat hians , veluti cunis exemptus ad ignem  
 Obstupet , atque oculis defigit rusticus infans .  
 O fatum , ò cecis melius damnata tenebris  
 Lumina ; Quid mentem iuuat excoluisse per artes ?  
 Mitte puer curas , insanum mitte laborem ;  
 Nos sorte iniusta grauis inclementia fati  
 Non tantùm ignaros ad luminis euocat oras ,  
 Ignaros iubet & miseris concedere rebus .  
 Sed ne tergiuersari velle videar sicut equus ille Virgilia-  
 nus qui spargitur in gyros ubi congregi necesse est , ad  
 pensum meum me refero .

Confuta  
 tio prin-  
 cipiorum  
 æstus me  
 strui .  
 pag 43<sup>8</sup>

Hactenus æstu diurno nihil emota terræ firmitudo mihi  
 videtur , nunc audire expeto an ex menstruo moueatur .  
 Noua ac plena Luna maiores , inquit , æstus obtingūt , quia  
 cùm Luna circumeat terram per eclipticę spatia decurren-  
 tem , licet æquales fortè circa terram describat circulos ,  
 circa Solem tamen longè maioris circuli partem plena , quā  
 noua delineat , ex quo fit ut c' m in maiori tardius ingre-  
 diatur quàm in minori , terra quæ ob naturæ concetum  
 citra Lunę societatem nunquā incedit , cogatur ad eius se  
 modum



modū cōformare, & cū modō incitatus, modō remissius iter habet, motus diurni ad annuū prōportio eā patiatur varietatē, quæ ad vehementes illos æstus cōcitādos sufficiat. Quæ ratiocinatio propterea tanto viro incessit, quod viderit appensum quidpiam ex funiculo decem pedum, si propellitur, certo tempore vibrationes suas absolvere, quas dimidio breuiori describit, si tanto funiculus ex quo dependet, subita retractione fiat breuior: Eadem quippe virtus applicata corpori mouendo per maximum circulum, si demum illud per minorem mouendum habeat, tanto id velocius perficiet, quanto circulus ille minor erit. Sed aduertere noluit vir perspicacissimus, quāquam hæc de appenso illo corpore sint verissima, ad Lunæ tamen motum nihil omnino pertinere: Nam hæc appenso contingebant, quod motus illi sit impressus ut circa centrum cui funiculus ille inherescit, certo ambitu moueretur, quo breuiori factō celerius agitari necesse est, iuxta proportionē virtutis, celeritatis, & spatij ab Aristotele traditam in Mechanicis: Et sicut ad hunc motum nihil attineret, si clauus cui committitur ille funis, simul intelligatur circa terræ centrum maiores aut minores circulos describere, res enim tota vertitur circa clauum: sic omnino Lunæ conceptus est motus, ut circumeat terram vbiuisnam reperiatur. Vnde ei fortuitō cecidit quod ex inita cum terra societate, Solem quoque debeat circumire, ad hoc enim præstandum nullus ei datus est impetus a natura, sed ad summum, tanquam clauus, vnus sympathiæ consensus. Ergo quod a Luna maioris, aut minoris pars ambitus circa aliud centrum ad rem nihil pertinens sit ducenda, neque

Lunam



quadam incomprehensa cieat mare? Sed qui in re abstru-  
 sissima temerarij potius quàm elingues videri volent, nō  
 deficiet eos verborum multitudo, qua stultorum mens ir-  
 retitur. Dicent enim non a Luna modò, verùm etiam  
 a Solis diuerso aspectu produci qualitatem, cuius vi non  
 iam raritas illa explosa, sed raptus ab oriente in occidē-  
 tem imprimatur: Atque adeo non trahi lacus, fluuios,  
 mare Hircanum, quòd vel ob proprietatem substantiæ,  
 vel paruitatem, vel aliud id genus non sit materia dis-  
 posita ad hunc motum. Quemadmodum enim non valet  
 illa consequentia, magnes trahit ferrum graue, ergo & pa-  
 leas leuiore, sic neque ista, Luna mouet aquam mari-  
 nam, ergo & fluuialem. Addent insuper circumduci ae-  
 rem inferiorem, qui cum mari sibi commissò sympathiam,  
 seu cognationem, consensumq; naturæ maiorem habet, vo-  
 luit autem hunc continenter, & iugis aurę perennitatem  
 excitare, quòd patentem, atque apertum habeat æquo-  
 ris campum, maria verò recurrere propterea quòd dum  
 incumbunt ad occidentis alta, & eminentia loca, tanquā  
 in Vallum Alpium, ut aiebat Cicero, contra transgres-  
 sionem Gallorum, tantam aquarum molem aggerant, ut  
 cū iam sustinere se nequeat, reciprocando moueatur.  
 Atque hinc cōmodissimè rationem petent, cur non sit vs-  
 quequaq; certa fluxus æquabilitas, ut licet in littore Gui-  
 neæ quaternis horis accedat, recedat octonis, ad fauces ta-  
 men Garumnae fluuij Aquitanici septenis appulsum mare,  
 quinis tantum regrediatur: Quas enim difficultates ne-  
 que flexuosi littoris angustię ferrent, neque profunditas,  
 aut amplitudo, loci cliuosi tergum accommodatè sustine-  
 bit, procliuior quippe est inde lapsus, quò ascensus diffi-  
 cilior,



cilior, ut etiamnum id Eurypo congruere posse videatur. Ad ætæ annuum atque menstruum facile reponent qualitatem, quæ a certis Solis, & Lunæ respectibus magis, aut minus inualescit. At cur sub noctem utroque sidere delitescēte maris apud nos sit appulsus atque regressus? An veluti luminaribus extinctis in summa rei obscuritate versabuntur? confugient ad qualitatem, non quæ aduerso cœli pūcto inuratur, se quæ instar soni etiam per obliquā lineam se extēdat. Non magis ergo Keplerum & alios anili, ac superstitionis opinioni deditos reor, quod Lunæ tribuerint hanc virtutem, quàm olim effæminatos, mulierosos & uxoribus suis subditos, iuxta Heliogabali religionem, qui Lunam non esse marem, sed fœminam arbitrentur. Keplerū enim defendit antiquorū autoritas, Ciceronis, Plinij, Ptolemæi, Alberti, D. Thomæ, Scoti, Marsilij Ficini, Pauli Veneti, atque adeo Aristotelis, ut multi volunt, licet ea de re nihil ab eo scriptum ad nos iniuria tēporū peruenerit. Et quidē Cælius Rhodiginus scribit huius questionis tædio Aristotelē fuisse cōfectū, vnde manauit in vulgus tristis illa fama sine capite Aristotelē in Eurypum se dedisse præcipitē, his verbis, Aristoteles non potuit capere Eurypū, capiet Eurypus Aristotelē, sed prolixè refellitur ab ijs qui vitā, & obitū Philosophi cōscripserūt. Quare A Gellius lib. 10. cap. 5. & Nazianzenus orat. Cōtra Iulianū dicunt Aristotelē super ea re multa scribētē senio fessum & vita excessisse. Hoc igitur probabilius quā terre motus, sed si pro demōstrationibus obtrudatur, audiāt Scaligerū profitentē nos in luce rerū tenui caligare, in mediocri cecutire, in maiore cecos esse, & in maxima insanire. Labet & versiculos subijcere quos peradolescēs super ea re exarabā.



cuturum; nunc enim uero occidet planè, & multò magis  
 calamitosus, ac lamentabilis ex ea concessione iacebit:  
 Demòstro enim nostrum iam maris æstus diurnum, mē-  
 struum, atque annuū toto cœlo diuersum ab eo qui ex ter-  
 ræ mobilitate sequeretur, unde consequens est aliunde  
 causam eius quàm ex terræ motu petendam esse. Facia-  
 mus enim, ut libere sunt cogitationes nostræ, tanquam  
 exquisitè globoso marmori circumluuione integra terræ ef-  
 fusum esse oceanum, cum ex punctis supra signatis secū-  
 dum, & quartum fortia dici possint, ut quæ plurimū  
 conferunt ad æstus maritimum, contra uerò primum  
 & tertium debilia, si quo fluxu tunc agigaretur, ordi-  
 nato eo sanè, & certa diei hora recurrente, eadem enim  
 puncta iisdem 24. horarum momentis eodē quotidie re-  
 feruntur; perridiculum quippe esset æstus hunc a vento  
 singulis diebus prohiberi, cum iste rarò & quidem ad  
 paucos gradus, ille noctu & interdiu ad plurimos exten-  
 datur. Iam autem ex terræ asperitate quæcunque sequi-  
 tur deformitas non potest hanc, quam experimur æstus  
 diuersitatem generare; ambit enim terram uniuersam  
 oceanus, & licet alicubi intercapedine contractior, aut  
 sinu profundior uideatur, hoc tamen ad eius immensi-  
 tatem nihil est, quo minus eadem hora quotidie in pun-  
 ctis fortibus eundem impetum non concipiat, eodēmq;  
 tempore moueatur. Sed obstat profunditas, obstat lo-  
 corū uel angustia, uel magnitudo, id quidem ad ma-  
 ris peculiarem tractum, nō uerò ad totum oceanum per-  
 tinebit, qui ferè ubique eandem uidetur accessus, &  
 recessus tenere legem. Atque ut hoc aliquid in oceanū  
 posset,



posset ubique tamen non efficeret mutationem tam ordinatam, tamq; motui Lunæ consentientem, ut sicut Luna quotidie tardius oritur quatuor quintis unius horæ, seu 48. minutis, ita marinus æstus totidem tardior videatur: Quo fit ut spatium circiter 29. dierum, quo absolvitur Lunæ cursus, iterum cum Luna nova redintegretur. Et hic est nodus Gordius, qui concidi facile potest, non dissolui.

Quare nihil est quod affirmem iuxta Stoicorum commenta mundum esse animal, cuius e patulis naribus aspiratio reciproca moueat æstū, aut cum D. Basilio Seleuc. aurei characteribus inscriptum illud. Huc usq; uenies non minus legi ab oceano, quàm obseruari. Quin etiam hoc aliquis non dubitans dixerit, causam æstus ex hoc capite longè probabilius in Lunam, quàm in terræ circuitus referri posse: Nam qui macularum quæ in Sole visuntur apparentem annum motū docet non posse refundi probabilius in aliud quàm in terræ annum motum, quomodo admirabilem illum consensum æstus maritimi cum Lunæ cursu non aduertit, aut si aduerteret, non acquieuit? Sed animi pendeat forte quid dicendum esset de virtute, qua id Luna præstare potest. At qui ne in terræ quidem, & planetarum motu disquisitione dignum putat a quo is principio oriatur, usque adeòne seuerus in Peripateticos esse potest, ut eos in eculeum coniiciat ad huiusmodi rationem extorquendam? An non contentus est dominatione illa summa, quam in omne corpus humidū Luna cernitur exercere, ut sicut ostreas, cerebrum animalium, & lapidem Selenitem varijs afficit modis, ita vi

Maris æstus probabilius pendet à luna quàm a motu terræ.



Lunam neque terram magis quàm clauum illum retarda-  
bit. Atqui licet hac opinio iuxta eos qui cœlum liquidum  
esse volunt, vendibilis videretur, in contraria tamen  
sententia Copernici ne tantillum quidem habet probabili-  
tatis, cum Luna suo orbi affixa moueatur simplici motu,  
non autem capistrone scio quo a terra quasi ætate conse-  
ctus Canthelius protrahatur.

Cōfirma-  
tio eius-  
dem.

Nunc tametsi prima hac tentatione terræ motus adhæ-  
rescere videatur, ex tribus alijs tamen maximam ei vo-  
lo frustrationem iniicere. Ac primùm illud mitto quòd  
ex ea positione sequi videtur Lunę motum esse caducum,  
& breuè omnino perituum: Nam si qualis appenso cor-  
pori imprimitur impetus, talis in Luna reperitur, pro-  
pterea verò in ea non pereat, quia creditur carere con-  
trario, ob id ipsum iam defecisset. Quod enim natum est  
ad mouendum in certo gradu celeritatis, si demum in ma-  
iori, vel minori motum perpetuare cogatur, contrarium  
id naturæ suæ reperit, a quo tandem corrumpi debet.  
Pellantur, inquam, ista; nam dicat argutus aliquis  
subtiliori Philosophia tinctus, hunc impetum licet non  
permanentis naturæ, sed fluentis, in determinato tamen  
gradu a principio permanēte esse productum, ex quo eter-  
nus ab æterna causa sequitur motus, sed tardior, aut  
celerior pro diuersis circulis, quos describit. Hoc unum  
referri potest, sed præterquam quòd tum iam, tum su-  
pra in hunc impetum vibrata militant argumenta, eadem  
authoris sententia non videtur. At enim uero duo alia quę  
sequuntur ne argutia quidem omnis ipsa, & cauillatio  
declinabit.



Si ex Luna noua velocitate, (†) plenę tarditate maiori idem in terra per eclipticam mota contingere neceſſe eſt, cum verus terrę motus in Solis apparentem referri poſſit, Sol omnino Luna plena pauciores eclipticę gradus decurrere, quàm Luna noua videretur; & tamen ex comparatione dierum contrarium vt plurimùm deprehēditur. Neque huic vulnerei medēdo iuuat quidquā *ἐμπαλῆσαι*, dicendo hunc Solis motū nondum ab Aſtronomis eſſe quaſitum. Nam prò Deum immortalem, non diſputo iam de vno minuto quod ſubducentis ſummam eludat, neque requiro quot præciſè minuta Sol ipſo die plenę ac nouę Lunę conficiat, ne quis in re minima dicat errorem obrepere, quemadmodum accidit Cleombroto Lacedemonio, qui dicebat ſe viſiſſe apud Ammonem in Ægypto lucernam perpetuò ardentem, quę alio ex alio anno minus olei consumeret; hinc ab ijs depreheſam annorum inequalitatem, quaſi ex re minuta inepti Metheoroleſchę, inquit Plutar. de orac. deſ. velient diſciplinas Mathematicas euertere. Sed conſero quatuordecim dies, quorum medium obtinet Luna noua, cum totidē alijs eiſdem menſis, inter quos media ſit Luna plena, & quero ex tabulis aut ephemeridibus quot gradus ac minuta Sol iſdē confecerit, ac reperio ſæpe plures ijs quatuordecim diebus Lunę plenę, quā totidē nouę Solē in ecliptica percurriſſe: Et tamē certū eſt Lunā his, utpote ſub ecliptica, ferri circa Solē minoris circuli portionilus, quā illis quibus ſupra eclipticā euagatur. Ergo ex poſitione cōſtituta ſingulis mēſibus tardior apparebit Solis motus, & totidē diebus incitior: Cōtrariū verò vt plurimū ex tabulis ferè omnibus videre

estus mē.  
ſtui cō.  
ſutatio  
etiā ad-  
miſſis præ-  
cipijs  
Aduer.



licet. Expecto ecquis hinc tinniat locum verum solis observari non posse: Non haberi ex tabulis in quo signorum gradu ac minuto reperitur. Ain' verò de motu apparenti? Usqueadcone oscitanter relatum est ab Astronomis in tabulas in quo signorum gradu Sol quotidie appareret, ut ex collatione dierum quatuordecim cum tot alijs, vel a mathematicastro dici non possit ubi tardior, ubi Sol velocior appareat? Ne ergo vehementer hallucinatus est Tico Brabeus qui tanto instrumentorum apparatu, ac diligentia reperit apogeeum Solis in sexti gradus Cancræ medietate, si ubi Sol habeat ignoretur. Quid omnes Astronomi a quibus conscriptum est quo tempore Sol velox, quo tardus appareat; an non id supra dictis diebus, aut saltem non contrarium accidisset? Concerpere luberet omnes tabulas nisi hoc ex ijs haberetur. Sed iterum insusurratur quatuor anni puncta, & principia Signorum fortè paululum accuratius, reliqua potius fortuita partitione, quàm castigata ad unguem fuisse scripta: Ceterum minimum motus illius excessum nostros licet sensus fugientem sufficere ad duplicem æstum mentium validiorem excitandum. Quamobrem licet ut dixi ex congestu quatuordecim dierum diligenter observitantibus reddatur excessus ille manifestus, hoc tamen ultimum ad hunc maris æstum reprimendum conicio.

Alia cō-  
futatio  
eiusdem  
æstus.

Si ob minimum illum excessum quo terra per eclipticam aliàs remissius, aliàs incitatus circumferatur eo maxime tempore quo motus tarditas, aut velocitas conspicua est, hoc est nova, ac plena Luna, mare vehementius æstualet, septem ante conjunctionem, & opposi-



oppositionem diebus deberet mare quotidie paulatim iracundius inualescere, atque alijs postea septem pedetentim fauorem illum remittere. Nam cum maioris æstus causa sit incrementum, aut diminutio circularum, quos Luna circa Solem efformat, atque illorum varietas fiat sensim, eadem proportionem noua, & plena Luna crescere ac minui debebit æstus: Atque id nusquam gentium reperitur: Commentitia est ergo ista licet ingeniosissima machinatio. Nemo siquidem inficiari potest effectum se habere iuxta causæ proportionem, sed multo minus experientie refragari, quæ nimirum compertum est non ea proportionem, nec eo puncto quo maximus esse deberet, sed postea, ut ait Plinius lib. 2. cap. 97. hoc est tribus ferè ab oppositione diebus, ex recentiorum obseruatione, uehementissimum illum æstum incumbere, qui sicut breui tempore nos adoritur, ita subducit se quodammodo, & ad morem æstus quotidiani se componit. Hoc & Luna in iugo existente videre licet, nam teste Plinio æstus in coitu Solis pares planè, cum tamen si prouenirent ex terræ motu, minores noua, quam plenior fieri deberent, ut rem expendenti patebit. Neua enim Luna moueatur centrum terræ in ecliptica verbi gratia sex gradibus velocitatis, plena verò quatuor, quibus ex eiusdem motu diurno addantur, & detrahantur duo gradus, aqua in superficie existens ex una parte mouebitur ad orientem octo gradibus, ex opposita quatuor in coniunctione, at in oppositione sex, ubi prius octo, & duobus, ubi quatuor. Tunc ergo ex maiori proportionem celeritatis ad celeritatem maiores æstus excitarentur. Quod si quis rem adeo minutam esse dicat, ut notabilis inde non sit illo-



rum æstuum differentia, addat similiter probabilius esse ne-  
vllam quidem omnino æstus reciprocationem ex terræ mo-  
tu secuturam. Neque est quòd quisquam importunè ven-  
ti reflatum nobis opponat, quo referueſcat mare, & qua-  
ſi concidat, inconstans quippe est, & desultorius ven-  
torum motus, ſic rarò obturbare poteſt, ut nunc accidit,  
rationem æſtus, quem ordinatim, atque aliter accidere  
debere demonſtravi. Sed quia ambigi video uter ſit ma-  
ior æſtus, diutius hære in percenſendis alijs ſuperuaca-  
neum puto, cùm ea ſit vis argumenti qua non ſolùm æſ-  
tus menſtruus, verùm & annuus planè concidat. Quid  
tamen in ſpeciem videri poteſt illuſtrius?

Conſu-  
tatio æſ-  
tus an-  
nui ex  
qua pro-  
batur im-  
mobili-  
tas terræ  
pag. 451.

Cùm terra, inquit, feratur per eclipticam axe ſibi ſſ-  
quequaque parallelo, neceſſe eſt ut æquinoctiorum circu-  
lus in terra deſcriptus, tempore utriuſque ſolſtitij tan-  
gentem eclipticæ in eodem plano exiſtentem motu diurno  
tota ſua diametro metiatur, atque illi accõmodetur quo-  
dammodo, faueatq; quã maximè terræ ingredienti ad oriẽ-  
tẽ, contra verò tempore æquinoctij, idem æquinoctiorum  
in terra circulus quàm maximè poteſt a tangente re-  
cedat, & minus conferat ad motum illũ orientalem; ſicq;  
ex incitatione, & repreſſione motus in ſolſtitijs, & æqui-  
noctijs diuerſi æſtus oriantur. Actum eſſet de terræ mo-  
bilitate, ſi ut iſta perbellè ſonant, ita inter ſe conſenti-  
rent, nunc ita diſſociata ſunt, ut confirment magis ter-  
ræ quietẽ, quam eam labefactent: Nam licet ex duplici ter-  
ræ motu inæquali quidem, ſed gradatim facto nullũ ma-  
ris æſtum exiſtimem ſecuturum, detur tamen acumini ſub-  
tiliſſimæ inuentionis quantum videtur eſſagitare. Qua-  
ro iam



ro iam quo tempore maximi, & minimi aestus contingent, & quantum durare debebunt? An non sicut dies solstitiales plusquam viginti ad sensum sunt aequales illi, quo Sol describit tropicū, propterea quod his omnibus ecliptica tam exiguo intervallo recedit a tropico, ut ipsi adherere per longum spatiū instar rectae lineae videatur; unde & antiquis incessit error per mensem integrū Solem non exire a tropicis, sed inibi multa replicatione commorari, iuxta illud Statque vno natura loco. Ita planè cum circulus equinoctiorum in solstitijs totidem diebus se habeat ut dictum est ad eclipticā, insanos illos aestus toto eo tempore fieri oportet, quorum maximus sit ille, quo terra reperitur in tropicis, ceteri verò hinc, atq; illinc tātō euadant minores quāto ab illis pūctis remouetur? An nō etiā tempore equinoctii idem licet disparili euentu dici debet? Quae omnia cum ex terrae motu consequi necesse sit, longè tamen aliter res habeat, motus hic de medio auferendus; non modò enim illi maximi aestus ea decessionis, & accessionis proportionem non consentiunt, sed ita paucis diebus intumescunt, ut olim incautos oppresserint exercitus, & pari celeritate quasi receptui cecinerint. Et quod caput est non ipso die solstitij, aut equinoctij, sed post aliquot dies obueniunt. Quod mirari videtur Plinius dum ait, Duobus equinoctijs maximè tumentes, & autumnali amplius quàm verno, inanes verò bruma, & magis solstitio: Nec tamen in ipsis quos dixi temporum articulis, sed paucis post diebus, sicuti neque in plena, aut nouissima, sed postea. Quibus verbis aliam aestus marini causam, quam terrae motum esse demonstrat.

Memini



Memini enim quo tempore Rupella obsidione cingebatur factiosorum spem positam fuisse in naualibus copijs, quas secundante maximo aestu oceani longè post tempus supra dictum opperiebantur, nec eos mare frustratum est, sed sediciosorum animus. At si aestus ex terræ motu proveniret, parem aestum brumæ, ac solstitij die ipso, eumq; totius anni maximum, utroque verò æquinoctio parem quidem, sed exiguum ac penè nullum, cùm tamen sit maximus omnium, haberemus. Ut enim rem breuiter absol-uam, quemadmodum admissa Copernici positione, si terræ æquinoctialis secaret eclipticam ad angulos rectos, nullus omnino daretur aestus, si verò in eodem esset plano solus annuus tolleretur; ita ex declinatione graduum 23. circiter & dimidij, succedere id quod dixi necesse est, ob maiora diurnæ vertiginis incrementa & decrementa tempore vtriusque solstitij, quàm æquinoctij. Si enim centrū terræ per eclipticam moueatur celeritate graduum sex, exempli gratia, & incrementum maximum vertiginis diurnæ ex una parte duos addat gradus, ex altera detrahatur, terræ superficies uno in loco mouebitur versùs oriētem octo gradibus, in altero verò opposito quatuor tantum. Æquinoctijs autem incrementum illud & decrementum sit gradus unus, centrum quidem terræ mouebitur ut ante sex gradibus, sed superficiei pars una septem, altera verò quinque: Ex aquarum igitur maxima incitatione & repressione solstitia maximos aestus excitarent, ex minore verò minores æquinoctia. Et mirum est huius rei acutissimum inuentorem ne strictim quidem attigisse, sed semper ubi res expostulabat fugitando, quasi consultò



consultò suppressisse quinā iuxta hypothefim Copernici plena & noua Luna, quinam solstitijs & æquinoctijs æstus essent. Mitto quod reuēto Lunæ dominatu in aquas, quæ pro diuersa non tam loci, quàm naturæ suæ proprietate diuerso modo afficiuntur, nullam rationem afferre potest, cur aliqua maria semper æstuent, alia semel tantum, aut bis in mense, alia nunquam, & si coniuncta sint in eodem parallelo, eandemq; prorsus habeant longitudinem cum ijs quæ æstu solito agitantur. Nec tamē putē ex eo quòd minor, aut maior pars lineæ tangentis eclipticā intercipiatur perpendicularibus ab æquinoctiali ad ipsā ductis, eā celeritatis mutationem effici, ex qua maiores aut minores æstus oriantur; sed ut ostenderem etiam recepta liberaliter hypothefi, quòd si tam diuersè & tanto post tempore contingunt æstus, quos ratio positionis sub ipsum punctum solstitij, & æquinoctij reuocabat, non video quid aliud ex ijs, sicut ex omnibus supradictis, quæ non satis ex voto cadunt, concludi possit, quàm ex quibus terræ mobilitas quærebatur, ex iisdem summam quietem obtineri.

Supereſt ut quæ de terræ motu demonstrando spes ferè habetur in manibus, adimatur. Posita est partim in observatione faciendâ de stellis per meridianum circulum tranſeuntibus, sed de ea iam supra dixi: Et certè propius vero est huius rei experimentum, quo vel uno si bellè caderet terram mobilem esse conuinceretur, viro nihil intentatum relinquenti contra expectationem iam cessisse: Partim verò consistit in alia indagatione Cæsaris Marsili viri clarissimi, qua lineæ meridiane declinatio deprehenditur: Ut igitur adimam etiam hunc respectum pul-

Quantū  
argum.  
Aduer.  
quòd in  
ipſos re-  
torque-  
tur & ter-  
re immo-  
bilitas de-  
monſtra-  
tur. pag.  
456.



cherrimum, pauca subiiciam. Ac primum si quis sibi iam  
huiusmodi experientiam vindicabit, clamet Iosephus Scaliger, Oles Unguenta de meo, & alterius glorie falsam  
cernis hereditatem: Et quamquam suspicari potest ali-  
quis maiorem non habere huius criminacionis occasionem,  
quam Democritum, qui de Anaxagora querebatur non  
illius esse quas scripserat de Sole, & Luna opiniones,  
sed eas sibi furatum esse, cum tamen conducere vide-  
retur ut summam earum deliracionem in Anaxagoram  
conijceret: Tamen aliter fortè de declinatione meridianæ  
habendum est, sed utcumque sit, ex ea Solis motus &  
terre quies comprobatur. Nam axe terre sibi semper pa-  
rallelo existente in motu, & octaua sphaera immobili,  
varietas illa meridianæ non potest aliunde prouenire,  
quam ex motu Solis, & punctorum eius æquinoctialium  
in antecedentia. Ut enim doctissimè obseruauit Scaliger  
epist. ad Dauidem Riualdum, si ante Hipparchum an-  
nis decem, & octo supra ducentos cauda Cynosurae erat  
ut hodie, quomodo constat ratio Hipparchi eam ab-  
fuisse à polo mundi gradibus duodecim minutis 24. Nam  
si sphaera τὸν ἀπλανῶν, ut sanxit Hipparchus mouetur  
in succedentia, & illius quo cauda Cynosurae aberat a  
polo gradibus 12. m. 24. sequitur ut aeo Eudoxi re-  
motior esset a polo, puta gradibus 13. aut. 14. hoc enim  
ratio processus illius motus postulat, atqui non plus di-  
stabat a polo quam hodie, ergo & sibi ipsi & omnibus  
qui eum secuti sunt imposuit Hipparchus. Vidit hoc sum-  
mus Vir Copernicus: Vos, inquit, putatis octauam sphæ-  
ram in consequentia moueri, videte num potius æqui-  
noctia



noctia in anteriora processum faciant; inde vir ille omni laude maior concludit esse ἰσημερινὸν ὑποκύκλιον, non autem τῆς σφαίρας κίνησιν ἐκ τὰ ἐπόμενα. Hec rectè Copernicus, inquit Scaliger, sed τὸ καίριώτατον omisit, vel quia non animadvertit, vel quia desperavit posse demonstrari. Nam cum æquinoctialia puncta mobilia sint, & circulum maximum qui ad ea describitur per XX. Spheric. elem. mobilem esse omnino necesse est: Et si circulus est mobilis, & polus quoque mobilis est, proinde non est idem polus æquinoctialis, & polus mundi, nam polus mundi est immobilis, ille mobilis, & consequenter omnes circuli maximi per illos polos transeûtes, id est meridiani, sunt mobiles, adeo ut horologia & sciotherica vasa lineæ meridiane imposita post aliquot annos decoquant fidem suam, quòd linea mota sit a pristina epocha. Atque hæc doctrina Scaligeri fortassis illustrari potest ex eo quod refert Plinius lib. 7. cap. ultimo, Solarium statutum esse Romæ bello punico primo, cuius cum undecentum annis male congruerent horæ, Q. Martiū Philippum Censorē rectè disposuisse, idq; munus inter Censoria opera gravissime acceptum esse. Ceterum ortum hunc errorē ex prima constitutione facilius est suspicari. Subdit denique Scaliger, Hæc ergo summa responsionis nostræ, nos orare peritos harum rerum, videant an hæc variantia acus magneticæ possint illustrari ijs quæ de mobilitate meridianorum diximus. Nullum esse motum octavæ sphaeræ in consequentia nos primos illud demonstrasse, inde necessariò sequi ὑποκύκλιον ἰσημερινόν, hæc concessa, puncta æquinoctialia, æquinoctiales circulos,



polos eorum, ac meridianos esse mobiles: Alium igitur esse polum mundi a polo equinoctialis: Horologiorum situs mutare post aliquot annos: Eius pulcherri-  
 me rei nos historiam primos obseruasse. Ecce igitur li-  
 teris consignatas ante Marsilium obseruationes, ex quibus  
 non terræ, sed Solis, eiusq; æquinoctiorum, & meri-  
 dianorum mobilitas colligitur. Si quis verò causam  
 agens Copernici, axem quoque terræ defleat, ei que mo-  
 tum ad hoc congruenter explanandum attribuat; iam er-  
 go præterquam tres diuersi motus terræ conuenient, quod  
 funditus negabatur, axis ille terræ sibi non erit amplius  
 parallelus, quod tam asseueranter pugnabatur. Nam qui  
 Solem moueri nolunt, neque obliuam spheram, dicant  
 necesse est axem terræ, eiusque meridianos præter motum  
 annuum, & diurnum ea torqueri declinatione, qua li-  
 nearum meridianarum declinare deprehenditur. Quæ euidē-  
 tissima consequentia dissimulari non potuit pag. 372. At  
 ex ea non terram, sed Solem conuerti manifestè conclu-  
 ditur, nisi AEgroti veteris meditantēs somnia di-  
 sent non tam modò sed & Solem ipsum moueri, &  
 fortè variari terræ polos, sicut stellarum omnium altitu-  
 dines meridianas, tandèmq; vel stellas polares (si axis  
 terræ mobilis est sed immutabilis) vel populos eis su-  
 biectos (si mutabilis est sed immobilis) in equatore re-  
 pertum iri: Ac deniq; ubi polus est arcticus futurum,  
 aliquando antarcticum, & ubi ortus, aliquando occasum;  
 quod ex Sacerdotum AEgyptiorum sacra fide, & recō-  
 ditioribus monumentis Herodotus lib. 2 iam bis testatur  
 accidisse; fortè ijs quadraginta & septuaginta annorum  
 millibus,



millibus, quæ Babylonij in periclitandis, expertundisq; pueris se posuisse dicebant. Sed quoniam id Theologis nostris meram delirationem sapit, ex eadem Cynosura a polo distantia & meridiani circuli varietate, non terram, sed Solem, & eius æquinoctia moueri demonstratum est.

At fortè commentitiam dicet aliquis hanc lineæ meridianæ declinationem. Ne igitur frustra videar rationes meas ad hunc scopulum appulisse, tandem illud subiungo decretorium ab autore nescio quo animo prætermisum. Sole atque octaua sphaera immotis, quot gradibus Aries qui olim committebatur æquinoctio, declinauit ab æquatore (si id proveniret ex terræ motu) nunc totidē nobis polus, vel si manis Cynosura a polo variasset.

Demōstratio  
mathe-  
matica  
de motu  
Solis, &  
& immo-  
bilitate  
terræ se-  
cundū  
principia  
Aduer.

At neque polus ex hominum memoria, neque Cynosura a polo (quidquid dicat Hipparchus) uspiam intelligitur variata. Immobilis igitur est terra, Sol verò ita mouetur ut mutationis huius in stellis inerrantibus una sit causa. Et si fas est scrutari naturæ consilia, crediderim æquinoctiorum in anteriora processum non aliò pertinere, quàm ut singula terræ loca habeant omnes suo tempore Solis aspectus ad perpetuitatis argumētum, quod tamen ob lentitudinem motus, & vitam hominum brevissimam, quam corrupti aeris contagiones, aquarum eluuius, globi ipsius concussio, ac penè dissolutio subinde incurrunt, longa tandem obliuione sepultū iacet. Igitur aduersarij nō aliter asserere possunt terram mobilē quàm idem de Sole contra principia sua pronunciando, non modò ob dictum illud de Ariete, sed etiam ut rationē af-



asserunt, cur terra quàm circa Solem conuerti uolunt,  
 sit illi aliquando propinquior, aliquando uerò remotior,  
 ita ut Sol non magis sit centrum motus astrorum quàm  
 secundum nos terra, licet captiosè in figura Copernicant  
 systematis pag. 320. omnes circuli concètrici descripti sint  
 qui tamen neque concentrici, neque circuli dici debent,  
 sed figure ellipsibus imperfectiores, ex quibus cæli liqui-  
 ditas, & cum motu terræ principium æstus mensuræ  
 uehemèter labefactatur. Quare Simplicius, pace eius di-  
 xerim, debuit solemni voto pro Peripateticis, etiam  
 Τριβωροφόποις, potius æris, quàm rationum inopiam pro-  
 fiteri.

Vnde quid tandem supersit ad tuendum hunc motum  
 non uideo, nisi fortè dicat aliquis ex eo commodè Me-  
 dicòs plurimorum causam morborum afferre posse, maxi-  
 mè uerò vertiginis, qua satis multi conflitantur.

Dixeris hæc inter varicosos Centuriones,

Continuò crassum ridet Vulpeius ingens,

Et centum Medicos curto centusse licetur.

Quare mittantur hæc ridicula, ne in ijs quæ ad terram  
 & Lunam pertinet Σελήνια, ut iocatur Synesius in lau-  
 dem caluitij, hoc est Philosophi opiniosissimi videamur.

Ex quibus conclamatus cuiuspiam videatur terræ motus,  
 imò inquit Plautus, delumbatus, deartuatus, sepelibilis,

ut acerbissimum, & quasi uiuo, uidentiq; funus duca-  
 tur. Sed humanius cum illo agendum sentio, ut prop-

ter eius uisum quendam illustrem, & insignem Plato-  
 nem imitemur; nam in libro quem de summo bono con-  
 scripsit, licet dicat in Homero contineri diuinam omnē,

Motus  
 terræ a  
 plebeis  
 ingenijs  
 ut Home-  
 rus a Pla-  
 tonis rep-  
 dimitten-  
 dus.

huma-



humanâ inque Philosophiam, e republica sua unguentis  
quidem delibutum, & coronatum, sed tamē dimitti vo-  
luit, ὥς κατὰ τὰς χελιδόνας ἀλέσας, quemadmodū ait Theo-  
doretus, sed fortē ut commodius in loco solo, sibi ac sa-  
pientibus retineret. Ita hunc motum eximia pompa cele-  
bratum procul a rep. hoc est ab ingenijs plebeis relegemus.  
Nec relegato deerit locus: Expulsum nō a Platone sed  
a Platonis rep. Homerum magnus excepit Alexander, &  
inter spolia Darij, ut refert Plinius, scrinio unguen-  
torum capto, quod erat auro, gemmisque ac margari-  
tis pretiosum, varios eius usus amicis demonstrantibus,  
imō Hercule, inquit, librorum Homeri custodiæ detur,  
ut pretiosissimū humani animi opus quā maxime divi-  
ti opere servaretur: Opus quod Agatarchides in biblio-  
theca Phocij dicit sub Homeri nomine ab Apolline fuis-  
se conscriptum, adeo ut, inquit ibidem Ephestion, Ho-  
merum citaturis Apollo in Iliade citaretur. Detrusum  
a superstizioso Pythagora ad Inferos, & ex arbore pen-  
dentem ob inuentiones poeticas, Ptolemæus Philopater  
reduxit ad superos, & nobilissimo ei templo extructo se-  
dentem collocavit, positis iuxta eius simulacrum ciuita-  
tibus, quæ sibi illum vindicabant: Similiter & terra  
motui constructum nobile atque ære perennius monimen-  
tum, licet de rupe Tarpeia, aut de ponte velut senis  
quantumvis de rep. bene meriti simulacrum deiectum in  
Tiberim more maiorū, nō regia munificētia, non hospitali-  
tas deficiet, sic eo animo feret sortem indignā quo Philo-  
sophus qui exprobrāti, Atheniēses tuas euerterūt imagines,  
generosē respondit, Ἀλλ' ἔτι νῦν ἀπετὴν, διὰ τὴν ἐκείνας ἀνέστησα.

Nam



Nam ut rationes supradictæ nihil efficiant, alius alijs  
 fortasse conuincetur. Indignum quippe dicet, ut cū tot im-  
 mensi orbes, quorū magnitudinem ne cogitatione quidem  
 assequimur, perpetuo motu conuertantur, nostrum hoc  
 et ceteros æthereos deses atque immobile conquiescat, eaq;  
 sit inhumanitate in stellas omnes inerrantes, qua quis  
 Urbem oculis lustraturus, nec volens caput obuertere  
 circumagi ciuitatem imperaret, & quidem ea velocitate,  
 qua caput ipsi mouendum esset; neque absurdum putet ex  
 summa tarditate Saturni ad motum transire celerrimum,  
 quo alij orbes præter multa auditu peracerba, tanquam  
 in pistrinum coniecti atterantur, & contrario quodam  
 modo rapiantur. Sed quæ isthac rerum omnium ignorā-  
 tia? terram immotam tutiorem, & ad generandum ap-  
 tiores arbitrari, cū tamen corpora æterna, & nobi-  
 lissima circuitu perpetuo conuerti, & omnia cum motu  
 fieri doceat Aristoteles, malleūq; motum plusquam mil-  
 le immobiles operari. Jam verò cur huius motus se sen-  
 sus iudicem constituit? qui cū in nauicula velocissimo,  
 & inequali motu rapta constitutus, se non moueri peie-  
 raret, in motu terræ, si quis est maximè ordinato quàm  
 hallucinabitur vehementius. Videat ne huius iudicij pro-  
 cluitas ex errore antiquorum, nunc verò puerorū oria-  
 tur: Nam sicut eorum est opinio cælum instar hemisphærij  
 committi terræ firmissimis columnis sustentatæ, etiam do-  
 ctiores facti non facile ad motum ex tam solidis funda-  
 mentis transire possunt. Quid verò cū ipsa pondus im-  
 mane libratū in aere sustineatur, atque ob id ipsum ma-  
 ximè ad omnes motus accommodatum, infelices alios orbes  
 non



non veretur configere, & veluti rota Ixionis contor-  
 quere: Cumque vix per crystallum paulò crassiorē quid-  
 quam videat, solidas illas immensitates acie oculorū ob-  
 tusa pervincere posse confidit & novas stellas, aut come-  
 tas quos videt, tanquā grassatores inde deturbat. Quid  
 cum mundum instar ovi teste multiplicis involucro tunica-  
 ti exclusum esse velit, cuius putamina sint cæli, vitel-  
 lus verò & albumen nostra hæc elementa, tam iniusta  
 proportionē teste integumentum multiplicat, ut exiguum  
 illud vitelli, quod intrò latet (terram intellige) nō mo-  
 dō non consistat in medio, sed longo in recessu positum ni-  
 hil omnino videatur. Atqui si astra ad lumen tantum,  
 & vim occultam nobis impertiendam concessa sunt, quā-  
 tō angustius sufficiebat cælestis ambitus operimentum,  
 ita ut paucę stellæ exiguo intervallo a terra disiunctę, &  
 vix maiores ipsis orbibus idē prestarēt. Sed nihil in ter-  
 ra superuacuum effecit natura nō artificiosa solum, ut ait  
 Tullius, sed planē artifex, cōsultrix, & provida utilita-  
 tū, opportunitatūque omnium, ut si quis vel in mōtibz,  
 ac scopulis liberaliorē esse dicat, simil arguat & fontium  
 iugiter scaturientiū perennitates: Quāto igitur proba-  
 bilius tot admirādos orbes ad vitam, & commoda mul-  
 tarum rerum, quas nunquam animo capiemus, ordina-  
 vit: Jam cum viciniore perpetua circuitione conuoluā-  
 tur, an terram unam inter tot motus voluit otari, ut  
 quispiam in illud tragicum erumperet, Ingrata tellus  
 pondus ignauum iaces? Quis ergo ferat illud quā-  
 tulumcunque puncti plus sibi arrogare, quā si Roma  
 tuguriolum, aut gurgustium omnium rerum egentissimi, ac  
 vilissimi



vilissimi mulionis male materiatur, ruinofum, & in locum remotiorem coniectum, omnia Principum palatia in gratiam sui diceret esse constructa. Probaret saltem terra se in medio constitutam: Quod ad planetas non audet amplius: Quod ad inerrantes stellas quarum prorsus ignota est distantia, quis nisi temerarius se medium collocabit? Hoc tamen efficit terra in magni orbis extremam oram veluti relegata, & si quæ non capit, si quæ inde commoda deriuantur non intelligit, omnia desertas moles, & steriles crystallos ad oculos talparum oblectandos, se vnam fœcundam arbitratur. Quod si id reuerentiae causa cælo tribuat, quid est quod generationes præcipua naturæ miracula, quibus non totus globus, sed leue aliquid ad totius pulchritudinem corrumpitur, asciscit sibi, atq; alijs negat quod perfectioni suæ nõ officit? Et cū Hieronymus ac multi alij muscam Sole nobiliorem dicere non dubitarint, cur in tanto, tamq; incredibili spatio ne muscam quidem generari asseuerat? Digna vel hoc uno quæ commutetur in margaritam vgrandem, ut perpetuitatis incorruptæ felicitatem experiatur. Spectat in sinu suo tantam rerum varietatem, quarum alia aliam cogitatione non comprehenderet, nisi videret; extra se verò ubi nulla est insatiabilior species, nulla pulchrior, ab ijs omnem ornatū abiudicare non dubitat. Cernit quātum intersit hominis inter excelsum ac sublime ingenium, & vilissimæ bestiolæ animulam, & quàm multa medio quodammodo se habeant; reliquas tamen mundi immensitates, ut Libyæ deserta nihil homine præstantius, nihil formica vilius habere iurat. Tot portenta & rerum  
increditi-



incredibiles effectus expauescit, & ne suspicatur qui-  
 dem ultro, citroque dari commercium quamplurimis,  
 quæ nos homines, ut ait Plautus, sicut pilas habent.  
 Contuctur in Luna indissolubili, ac fidelissima sua co-  
 mite tot spatia immensa camporum, vestitusque mon-  
 tium densissimos, atque hic non modò putat nihil apri-  
 catione calescere, nihil in umbraculis illis meridiari, sed  
 & asperitates montium quos videt ita vult perpolire,  
 ut neque mentes, neque Lunam videat amplius. Con-  
 tra verò quàm illustrior est species uniuersi, quàm  
 præstantior ordo, quo circa Solem tanquam lampadem  
 ceteri orbis rerum inexplicabilium feraces circulos suos  
 conficiunt non absolutos ubique, sed interdum con-  
 tortius inflexos, dum per liquidas immensitates vario  
 consensus, & repugnantie motu concitati sequentes fu-  
 giunt, aut sequuntur fugientes, aut denique conquie-  
 scunt, ita ut in infinito illo circulo Trismegisti cuius  
 centrum ubique, ambitus & circumscriptio nuspiam est,  
 liceat semper aliquid nouum & inexpectatum reperire,  
 finem autem non liceat. Atque ob eam causam Ma-  
 gis Persarum autoribus ferunt Xerxem inflammasse  
 Græciæ templa, quòd parietibus includerent Deum, qui  
 uno orbe non continetur. Quare infinitas spatij,  
 & innumerabilitas mundorum partim errantium, par-  
 tim fixorum non modò augustior, sed tantò probabilior  
 est solida illa extrema ora & determinatione Aristote-  
 lici unius mundi, quantò sempiternæ ac incomprehensæ  
 naturæ conuenientior, veruecinæ plebi, & Philosophis  
 cuiusquemodi incredibilior, tertio verò hominum gene-



ri acuto imprimis & ad excogitandum perspicaci propius  
abesse videtur a veritate; nec inenodabiles aliquot cir-  
ca eam difficultates præpedire debent diuinam vim in-  
dustriæ & sagacis ingenij ut consentiens, conspirans, &  
continuata tot rationum consecutio deferatur. Et quis  
scit an huiusmodi fortè non tam ex animo quàm in spe-  
ciem desertores, Mercurij alicuius adaecti telo tandem  
erumpent in illam Iuliani Imperatoris supremam vocem  
V. G. V.

Hæc & alia id genus obijciebam mihi a puero αὐτο-  
δίδακτος, & cùm de ijs valde libenter disceptarem, in-  
cidi in gentem Abderitanam, cui læua in parte mamil-  
læ Nil salit, & cum qua desipere, sibi autem ac Mu-  
sis cum Bione canere oportet Οὐκ' ἀπ' ἐμοῦ συνεδάσεis ὅχλ' οὐ  
ταλὲ πείριε πρέσβυ; Jam tum enim ut aduertì, tanquàm  
τερετίσματα.

Hæc populus ridet, multùmque torosa inuentus  
Ingeminat tremulos naso crispante cachinnos.  
Ut verè dictum sit illud a Luciano,

Οὐδὲν ἐν ἀνθρώποισι διακρίδόν ἐστὶ νόημα.

Αλλ' ὁ σὺ θαυμάζεις τῶν ἑτέροις γέλος.

Quoniam ergo is semper fui qui neque ridere cum De-  
mocrito, neque alijs ridendi sponte occasionem præbere  
velim, quòd leuitatis hoc esse putem, illud inhumana  
voluptatis, tempestiuè me recipio & cum Platone  
ἰστιάω τὰ νοήματα, ne cadam in offensionem Atheniensium,  
contentus breuiter ostendisse hætenus Peripateticos non  
indigere rationibus quibus si velint immobilitatem ter-  
ræ comprobent, sed eius impugnationes præcipuas repu-  
lisse.



lisse; ceteris Verò leuioribus, donec aduertam quò iam  
 dicta ceciderint, poterit supersederi, ne simul argumē-  
 ta & responsiones Rhinocerotis naso ab ijs suspendan-  
 tur, quos aliter vlisci nolum, quàm omni ope conten-  
 dendo vt in sua opinione consenescant, & qua maximè  
 sunt digni pœna Virtutem ut uideant, intabescant-  
 que relictæ. Neque paucula hæc eò scripsi quò putarem  
 nihil contra referri posse, vel quò ordinem huius Uni-  
 uersi omnium laudatissimo sudore perquirentes ab insti-  
 tuto opere retardarem, quin potius vt ad nouum aliquid  
 molendum, & ad hæc ipsa quæ opposui peruincenda, ip-  
 sorum industria magis ac magis excitetur; quam cer-  
 tē apud me in loco summi beneficij positam arbitror si  
 de solutione difficultatis aduersus terræ motum allatæ ea  
 qua par est a Viris literaris humanitate condoceram.  
 Ita enim splendida ac manifeste Veritati dandas esse  
 manus existimo, vt si contra obniterer, non apologiam  
 me conscribere, sed apocolocynthosin (Claudij iudicarem.  
 Atque vt iam unde orationem orditus sum eò reuertar,  
 memor non macrocola, sed libellum a me conscribi, alios  
 non video, Academici præstantissimi, cum quibus offi-  
 cium illud exoptulem, & si precibus eblandiri non pos-  
 sum, importunitate saltem extundam, quam vos ip-  
 sos, non modo ab eloquentia summa, qua nos singulari-  
 ter afficitis, sed ab omni doctrina atque eruditione pa-  
 ratissimos: Quorum cum iam diu humanitate, ac patiē-  
 tia sim abusus, excusandam potius habeo iot dubitatio-  
 num importunitatem, quàm exile dicendi genus, & cō-  
 cisam orationis breuitatem, qua certē fateor me Magna



modis tenuare paruis; hoc enim fert soli penè dereli-  
cti ieiunitas; Non adeo inquam Exossatus ager,  
vt grandiorum voluminum pariat foetus, vberiores cer-  
tè futuros cum ex emaciato euadet opimus, & Domi-  
ni benignitate, ac Cultoris prouidentia deducto muni-  
ficentiae riuo copiosius irrigabitur. At quæ mihi purganda  
esset vestrorum interpellatio studiorum velim refunda-  
tur in auram beneuolentiæ, qua me huc usque prouexi-  
stis, simulque in subsidium quod ab ingenij vestri so-  
lertia, ac sagacitate expecto tantò ardentius, quantò me  
ipsum meæque tenuitatis angustias minus ignoro. Hanc  
si reporto gratiam habebō quod gratuler, ac perutiliter  
cum a me hunc querendi laborem collocatum, tum a vo-  
bis docendi perofficiosè susceptum arbitror. Valete.  
Pisis. Kal. Jun. anno salutis M. DCXXXII.

F I N I S.



*Et si, ut ait Martialis, Emendare potest una litura librum,  
benignus tamen lector.*

*errores*

*sic corrigeet.*

4. v. 18. vetitatis	veritatis
8. v. 4. iuuenem	iuuenem
8. v. 5. 'απο'	'απο'
11. v. 18. orhis	orbis
14. v. 4. celerimè	celerrimè
17. v. 4. figuræ	figuræ
17. v. 26. sepatatione	separatione
19. v. 9. cyphus	scyphus
21. v. 17. cyphi	scyphi
22. v. 17. 'οπίσσω	'οπίσσω
30. v. 5. cōstrēudæ	construendæ
46. v. 9. labores.	labores
46. v. 29. ncedit	incedit
48. v. 9. tribus	tribus
51. v. 3. fauorem	feruorem
61. v. 20. peieraret	deieraret



Imprimatur Florentiæ si placet adm. Reuer.  
Patri Inquisitori. Horatius Quaratæsius  
Vicesgerens Florentiæ.

*Imprimatur die 21. Aug. 1632.*

*Fr. Clemens Egidius Inq. Gen. Florent.*

Sebastianus Cellesius.



















*Sletcher*

68 pp., 2 ll., the last blank  
coll. compl. ASK & HPR XII/76



